



巢經巢詩鈔後集

遵義

珍

第一

古今詩共六十六首

七月初五日家康成公生日莫即亭釋奠於湘

川書院余適攜子赴行省以昨日宿院遂與執

饌焉即亭有詩示諸生因次其韻 已下壬子

生日古未聞自晉遂不廢臧生拜庚子襲者義已碎蘇

臘與屈正不出詞豔外法准高密公譯聖晤千載如從

聖人手親受所以裁六學文數萬一字不可殺歷宋漸

陰零迄明乃昏昧 國朝復天明絕學邈無對小子生

巢經巢詩鈔後集

其際門忝通德大謹執子孫禮立北聽眾喙每慨極威

餘標新轉增怪對筵牢匪共隔半室改隘顛守有離合

何論肅毓輩沈果堂說士昏禮夫婦異俎孔奭軒說官室自棟隔半前為堂後為室皆謂申鄭義

以破唐宋儒者說實非鄭旨若程易疇諸人多以勝鄭為事矣競競祖述心望海祭遙

酌先疇敢鹵莽終畝須糞矐獨憐孱懦嬰犬懼日月邁

遙懷沙邱堰一事絕聲效公卒於沙邱堰水經注二十八庚辰覽

揆存梗概太平廣記引鄭玄別傳以永建二年七月甲戌寅生據後漢書順帝紀永建二年七月甲戌

湖當五日得戊寅則公七月五日生也本傳以獻帝建安五年六月卒年七十四是年歲在庚辰上溯永建二

年丁卯正七十四歲從卒年行李值故人酌奠匪報餐

敢辦漢宮香敬仰碑產拜公曾注漢官香方不止注劉洪歷故朱子歎有許多精力

也公墓在高密縣西北劉宗山唐史承節碑謂之礪阜山水經注謂之碑產山躡屩棄東家珠玉幾人載吾衰顧子情塗轍慎行戒公鄉有嘉穀識味在君啟各飽書帶露勿負此釋菜

書周漁璜先生桐野書屋圖後圖康熙戊子作

貴州數詩家有剛推雪鴻 國朝二百年吾首桐野翁

雪鴻宦不達桐野壽未豐天欲文西南大筆授兩公謝

詩春空雲周詩花林虹吾以兩公較尤多桐野雄傳本

少概見僅存埋蠹叢陳選數十首陳伯璣選明人詩錄君采作七十四首吳

滋大中蕃選復去十八首惜哉何隘胸歸愚拾傳鈔又復為目窮沈

愚選別裁集錄公詩僅題淵明北窗赤壁阻風等首窺斑固識豹執爪豈見龍吾

巢經巢詩鈔後集

昔得遠條君采遠條堂集二卷即傅竹莊玉書大令錄入黔風者余從傅雨亭天澤孝廉所得之

竹垞不及綜而竹垞所據其集仍未逢朱竹垞明詩綜所錄君采詩似

從雪鴻堂集選者余訪此集數十年不獲以付邵亭弟去年成刷工雖然略

蒐遺究不備始終今年事公集實惟京本從是編出公

手定次自允恭桐野詩集公弟起濂康熙乙未刻於平都下即郭於官序者詳見陳允恭序

生傑作盡匪一華嚴鐘因緣得吳本汪刊後旃蒙汪干波於

康熙丙申刻於吳中者復得謝令編貴陽謝廷薰大令合桐野稼兩回青三集編本本成

在乾隆邵亭並校記亦略有異同稼兩序老晴去取見

精衷公稼兩軒近詩康熙戊子毛奇齡序有不入桐野集者回青都不存此意醜

池通公回青山房詩數百首無一入桐野集邵亭欲補入吾謂其毋庸猶

惜省志傳數語完文宗吾擬詳譜狀集前明事蹤寄信

板橋山公家山下文孫報從容果來趁秋律細諗挑明鈺惆

悵絕碑誌畧然徒鬣封因知籍廬陵明初占旂龍承祧

實季裔至今詩禮崇公先者廬陵人明洪武間為白納長官司世世承襲居旂龍地

傳子以弟起世生公無子嗣出褻展斯圖初荷亞新桐先生撫書

坐爪長眼有鋒畫者構李沈宏題額乃京江張玉繼出

春耕卷名筆禹尚功野桃與溪柳沙水映碧紅先生荷

鉏去芒屨短籬東未忘茶酒興回顧擔餉童吾觀此兩

圖脩然想高風手摹桐野像復影西崦農桐陰擬刻集

西崦藏巢中庶令一開卷後來增箚躬先生江漢靈鑒

巢經巢詩鈔後集

余後死伺

題周漁璜先生西崦春耕圖圖為禹鴻臚康熙

戊子以坡公野桃含笑竹籬短溪柳自搖沙水

清詩意作陳奕禧題額

南明江頭秋稼黃遊子倦游憶山堂沙水竹籬忽在眼

宛遇先生西崦旁先生豈是荷鉏者蔡癸九家曾手把

寫作識字耕田夫東屯下溪同瀟灑 國朝全盛不觀

兵玉堂人物無愁聲釣師田父各寄意轉見當時風雅

情百餘年來難再得空展此圖坐太息九疑三湘寇紛

紛日夕望下飛將軍起向先生借簔笠明朝更撥南山

雲

黎壽農 北熙 表弟下殺設祭雪樓舅氏和岐亭

韻作詩因寬其意

百愁不一樂老味如苦汁奪手失癡弟使我昔常溼達  
觀忽慰意目瞑萬事得天傾不知憂日既不知急兒女  
供繒錢親串獻魚鴨胡事歌倚來醯雞自求冪生無益  
於世思之頸先赤誓買果下駒從以天下白青絲提玉  
壺林閒醉拋憤公猶未忘情逢禡詠當泣我吟哀杏詩  
徒疚明月缺人生天地閒孰非違行客不如美酒食彭  
宣日來集

巢經巢詩鈔後集

四

送表弟黎篠庭 庶壽 菜園 庶蕃 赴禮部試

吾舅生汝兄弟遲並是天上麒麟兒少年孝秀各到手  
眾眼豔觀爭夥頤豈知吾舅孝友報生前嗇取盡汝詒  
北風吹衣作行色相攜去射都門策厯歷吾憐萬里途  
欲銜汝飛銜不得篠庭弟爾必西笑向長安艱難即從  
柱蒲關男兒何適不安隱先須心地無波瀾菜園弟爾  
誠承明玉堂之美器他年貴仕會不免今日風塵要磨  
礪大江北去煙茫茫憶昔經行傷我腸鄢陵雪片石橋  
月具茨雞子黃城狼 昔隨子元舅南北曾自石橋驛行  
雪中至四更追及於麗陽至宜城  
值大雪又車溺具茨山下就民家買雞子二百錢得六  
枚分食之又車陷黃城山麓荒陞冷月渺無人煙但聞

狼聲四噪持刀靜坐  
飢至明午乃出陷  
當年吾舅苦攜我千辛換得乖西  
鬢至今宿草騰荒鬣我亦窮老無復望  
又看汝曹試此  
路行矣桑蓬原四方  
銜寒紙盡意不了  
起視照屋星煌煌

石頭山歌送邵亭還郡

玉壺酒新紅桂香  
石頭山色明  
夕陽酒酣卻向石頭去  
碧潭霞彩搖金光  
大魚來朝捲波起  
小魚跳弄若不止  
黃葉一片隨風來  
疑是石頭老翁致  
雙鯉石頭老翁別  
我知幾年石頭之上  
餘秋煙吾欲橫河跨海去  
淚痕血點露金盤  
莫夫子莫嘆息  
我坐石頭上爾坐石頭側  
百年能得幾回笑  
一笑焉知髮霜白  
挹君裊拍君肩  
男兒有道天無權  
長歌攜手入竹去  
涼風嫋嫋吹溪干  
歌聲漸低心益苦  
石頭蒼蒼隔煙語  
側身天地可奈何  
揮手溪頭看君去

巢經巢詩鈔後集

五

送唐子方方伯奉命安撫湖北兼寄王子壽

柏主事 己下癸丑

齊人託妻子而南之楚游歸來皆凍餒對之猶歔歔况  
茲鄂州民公所舊嗅咻今日復何象赴掾可自由盤盤  
大都會雄據荆陽喉街塵漲天紅笙鼓徹夜啾當時繁  
富地孰非公所鳩誰放大賊來督師甘逗留鬼哭熊紅

城血沸鸚鵡洲哀哉億萬家積尸成陵邱自有此都來  
屠戮無比傳守臣爾何怯一死不塞尤擲我閭城命

國恩固宜優成事更何說噫乎徒淚流我 皇憫遺黎

每食減膳饑 詔以安撫重奪公林卧幽男兒當此時

何暇為身謀恒情頗卻顧視公殊休休乾坤有艱虞整

頓須人籌不賴二三賢斯民曷由瘳凶氛蔽鍾阜惡烏

彌漸道居然妖蝦蟆欲作長黃虯從古無皋通可以據

一州連雲固北絡淮黃鞭敢投武昌當其中握運看縱

收上流捍荆樊下風臨粵甌不即斬封豕何時忘獬牛

扼重全在此成謀預宜周我公韓范資慮能制盤鱗小

巢經綦詩鈔後集

六

草莫遠志亦復縈緯憂遠馳十二舍為國瞻去軻魯女

念園葵計日期壯猷容城王堅木胸羅萬戈矛我讀其

樞言跂望悵阻修知應抱成竹江邊遲 侯見時道問

訊此意還癡不早晚持櫺具相逢黃鶴樓

送翁祖庚 同書 中允畢典黔學入 覲四首

北江經學後中允復聲名閣掃菴蔬舊門收杞梓精適

教壬子歲同數去來程落落鴻儒迹天心有送迎 陽湖 洪樞

存先生以乾隆 壬子來視黔學

程門三尺雪賤子昔嘗登勛以叔重業翼將高密承齒

餘苦相假薪續究何能或可漢童試呈羸待剪芳 鄧草 說文

逸字說文大旨轉注本義汗簡箋  
正諸稿恨俱未寫正不及奉質

老輩驚寥落沈吟翰墨場君家老圻父今代魯靈光世  
學增王高郵高惠師承接漢唐乞歸道名姓他日許登堂

湘中猶艾賊湖上擁戈船小寇何難滅將軍自不前吾  
皇勤政理國本在才賢到若承 清問先論賣爵錢

四月十三日偕芷升登相寶山次董觀橋教增

廉訪嘉慶癸亥九日詩韻

老去突臨意尚豪萬山環翠似奔濤大風呼洶僧樓震  
細雨霏微石路高游本隨心忘載酒生猶無造憶題糕  
昏昏兵氣蒼茫外喜未將身付馬曹

巢經巢詩鈔後集

七

輓姜丹輪延桂四兄二首

法家舉世岑公孝誰似此翁無幕塵羔雁不離前後守  
平反知活幾多人廿年客郡交余獨重趼投期見子真  
舊事淒涼付流水諸君冥漠且傷神

憶昔來青比屋居朝談夕醉四年餘在官不肯尋常入  
積歲因之晤語疏每歎當時歡不再便為長別恨何如  
干戈滿地鬚髯白泉路交期末盡虛

檄權仁懷廳學務不止驪故鰓部  
產鰓魚

鱸魚招不去親友笑愚公地實愁奇熱吾上守故窮非  
無三兩俸自擲四年功學官月俸銀三兩待饑飽隨耕  
權者約四年輪得



堡前邨杏已紅

久病

病氣寬仍劇將書展復收空知方藥妙尚切米鹽愁地  
僻誰相問心安或自瘳松涼下山路兩月一經遊

甲寅元日

己下甲寅

三百六旬為正朔九州四海各和平人心儻得長如此  
世運何緣有亂萌助順師煩回紇馬經年盜據秣陵城  
遐方且喜辛盤在隱慮空令白髮生

聞唐子方方伯正月二十三舟至金口賊大上  
募卒盡散遂投江死

巢經巢詩鈔後集

八

處義從容見若人播州而後有名臣楚藩未老先投組  
天步方艱卻致身辦賊孤拳餘痛哭拊心一死報君親  
知驅江漢滔滔水洗淨妖塵憤始伸

四月望設位山堂奠子方酌以詩四首

去歲今朝別故關出門已判不生還令斌有託先成讖

鮑信無喪獨可潛正氣但存天壤內委骸終在地球閒

聽歌楚些留堂眺

漢郊祀歌靈安留吟  
青黃徧觀此眺瑤堂

應笑真遊子午

山公曾夢至山堂  
言其地宛似

太息庸臣喪國威年來中外事全非鬻官捐俸籌兵餉  
琴問虞歌對賊圍束手空令忠骨棄肆凶惟見逆旗飛

江公死後吾公死更有何人繼指揮

文書何敢志千秋事賴相扶勝自謀墓下偷生成我老人閒知已到公休更無韓子能如棟從此通明賴下樓寂寞蒼山風月夜夢魂相遇話時憂

孔桑無術算舟車銅臭師儒計已疏額土封祠慚不得石田茅屋感何如放懷世故苦流涕揮手人閒甘讀書底處桃花有源水播州猶恐未安居

選得荔波教諭

荔波漢毋歛縣地道真尹公之鄉產煙草第一

為口求官三十年論資且足買山錢千金大物方歸手

例舉貢捐教官費千金即得近日附學生亦然

八品高階等上天教澤敢承母

巢經巢詩鈔後集

九

飲水家人已羨荔波煙乾坤漠漠干戈滿恐此頭銜亦枉然

三女贊于以端午翼日天越六日葬先妣兆下

哭之五首

一病尋常竟誤治祇知痲瘡是初時陽明實矣能無下前夕攻之尚可為悔到閻羅勾命急纔從仲景覓方遲致兒夭折甯關數數是爺非帶下醫

買山種竹已堪箱十七年中夢一場過眼詩書成記誦借鐙鍼備足衣裳但為女子猶深惜復託窮爺盡可傷父德毋恩全不負白頭空欠淚干行

生女詩有山思便買黃竹種江干

自小偏憐慧亦殊女紅輟手事充奴指揮纔念身先到  
緩急常資債易逋細數勞生宵解脫時忘已死尚頻呼  
雛孫不解酸懷劇嘒繞牀前索阿姑

冢下栽花不羨官汝曹外向漸無歡割慈又近離嬌素

煖眼猶寬有季蘭豈料卻成先姊去那能長作嫁人看

送生送死今年了寂寞衰翁守墓寒

次女期十  
月適人

青犢黃巾淚眼中賊聲聞又上巴東遭逢末世難言命  
憂患平生不止窮汝得九原從大母天將何地置而翁  
一盤設祭還相慰填藉溝渠養育同

聞奏得子方尸金口旁小水體有矛傷失其右

巢經巢詩鈔後集

十

目

旬初已訃寔冠裳忽喜尸存夏浦旁骨母但宜收賈販  
江魚豈敢葬忠良幾人親見從容死獨怪何來數十創  
會有能言他日事此中天鑒不茫茫

六月二日生孫阿厖二首

落地呱呱報是兒老夫修植正編籬山堂喜有重孫守  
天旺驚成四代移未問手文能似否也思祖武會繩其  
心長頓擬鈔書課三禮須完上學時

子少求孫歎老妻望窠纔慰眼中屛晝衣久備初開篋  
鄰媪相傳已滿溪可念阿翁先溺愛便令新婦莫教唬

感深獨向雙阡泣不見查生祇見梨

過唐子方待歸草堂

麥秋時節夜鐙懸薄送于畿憶昔年怪石重摩應識我  
荒亭獨坐久瞻天梅邊未撤看雲榻柳下猶沈泛月船  
觸物蒼涼無限事當時分手已悽然

唐鄂生尋其尊人尸於漢陽書來

李子尋親惟聚冢孫家返骨並成灰天心似惜唐公死  
毅魄還傷孝子來古佛勘尸千古恨春風吹櫬幾時回  
男兒馬革由來事見汝歸緘寄一哀

聞新化鄒叔績

漢勳

以貳守從徽撫江忠烈

忠源

巢經巢詩鈔後集

十一

死難廬州二首

安徽失守治廬州復失廬州春已秋始悉故人能死事  
誰教孤憤起同仇幾千弱卒還相食咫尺諸侯各自謀  
威鳳坐隨臬鳥盡可憐何補 廟堂憂

子及湘中魏與何

魏源何紹基

同稱三傑殆無過有名亦誤

人閒用得死終勝牖下多小戴世傳推熟洽穀梁早作  
歎銷磨一時知識看歸盡應有忠魂笑碩邁

叔績說禮多精確未

冠時已作穀梁正義

聞八月初六日桐梓九壩賊入據其城

賊期間遠近邑宰坐睢盱乃以一中縣取之三百徒殘

明何足假賊假宏光後為名 么膺爾真愚垂老驚奇變哀時祇  
痛呼

十三日官軍敗於板橋賊遂趨郡

一鼓上婁山可以落賊膽據關者數百驟進彼何敢副  
戎亦何怯見賊氣先撼我師朝未鋪返奔不容纜空餘  
大酒肉歸賊快一噉雞喉與排軍盡亦稱為塹如何七  
十里薄郡日未暗 國家祿爾曹其罪舉當斬日夕望  
播城風雲方黯黯

弄穀

曩郡穀一石中價二兩銀十年賤及半亦已傷農民今

巢經巢詩鈔後集

十一

乃至六錢售者且無人輕糶豈所願日夕憂賊氛常恐  
劫掠來猶勝俱無存苟非目前計兩值豈復論物理極  
反至賤貴所因老氏亦有言兵後凶年臻賊徒至郡下  
科歛已二旬兵食盡官貯賊口空鄉困待埽蜂蟻場公  
私甯不貧我囊久空澀粥料方升新亦慮落人手密弄  
防見聞暮共鼠掘穴朝與兒薤盆惟其億不中亂靖無  
飢呻過求亦何害不妨空苦辛

移書

家書數十篋篋篋丹漆明平生無長物獨此富百城祠  
屋築基下堂箱接前榮萬卷輝其中俗見頗眼驚狂寇

起倉卒土賊因肆行處處聞夜劫搜掘若烏耕顧此古  
先籍四壁粲縱橫安見非慢藏不如顯與呈米數據谷  
口上下空不肩移之妥貼置盡去鏹與滕示以無用物  
著手冷如冰自料非人圖萬一運所丁梁上亦君子何  
必讎六經南中尅藏畫苦聚神所憑前時作複壁亦恐  
殃池頽繼乃就石窳復虞溼與傾曷若洞心腹萬事格  
以誠影山盛珍祕弄室聞南征存否知若何賊壘未遠  
平聊以保吾巢呵護凡百靈

望捷行

郡城西望殺氣紫礮聲隱震八百里昨日殺賊已數千  
烏合雖多那足死若曹可笑不自量作農猶情乃欲王  
獷眼強精會抉盡聚而殲旃天所憤

孤雁行

陰雲慘塞孤雁飛哀音嗷嗷遠漸微嘹切復還歷我扉  
似覓其侶茫無依漫漫長夜盡殺機稻梁之鄉舉目非  
當時作奴憑指揮天昏獨私子與妃羣去畏爾知其幾  
同桴共轂逐堆肥各顧軀羽誰爾踰羈單莫怨將安歸  
菑則在野葛在河古人傷心於此多山高林深斷樵柯  
田有餘糧池有螺晝眠暮食樂靡過彌天而地皆網羅  
奈爾片影無蹤何

九日獨游

九日說登高佳辰盜似毛久居名轉愛獨樂與難豪嚴菊攀持懶林風徙倚勞明年應建好加倍與題糕

廿八日前開泰令陶實卿履誠出北門攻賊與

參將寶玉泉山同死

赴援師猶薄稽誅賊甫驕如何陶大令欲作霍嫖姚血濺蓉江水身僵竹鮑橋賊肝終祭汝毅魄不須招

聞九月二十八日韓南溪超別駕督練卒百人

攻雷臺斫柵深入以官兵不助失賊魁而返

百夫著翅上雷山慙愧諸侯壁上觀肯助使君犀角隊

巢經巢詩鈔後集

十四

定懸幺醜鹿皮冠紛紛紙背談三略落落軍中有一韓且饗椎牛休快卒禽王終恃寸心丹

愁

亦思權避地可以息驚魂自顧無資斧空知守墓門兜癡惟熟睡婢慢祇多言愁絕時西望連山殺氣昏

獨游禹門

意行無適去遂至雪公山獨鶴與人立松門長自關老僧延客入叢桂看人攀擾攘兵戈裏愁心得暫閒

覓避地至後坪

土賊日虛聲近村各驚避去墓吾未能亦作寄孥計連

山界遵湄青嶂塞天地凌晨出莽蒼跋涉入雲際半日  
不逢人溪林犬時吠知越幾重山去塗仍挂鼻日暮抵  
同姓為道所來意命婦開大瓶具述昨宵事鄉團急傳  
呼逐賊戶不寐聞此增感歎遠近同一勢何方為樂郊  
未飲心已醉

十月望莫九莖自郡至山中始知邵亭數月在  
圍城寄之五首

消息難真自亂初人傳汝去獨山居豈知烽火連三月  
猶在愁城守一廬覆被可憐新習勇劫灰不到苦收書  
茫茫天意吾能解紀事圍中正要渠

巢經巢詩鈔後集

五

無上平天總擅尊從前薪突不須論黑山誰養張牛角  
南嶽終推漢馬援亦恐老師財易費不知多算意何存  
人卑擬草黃家狀暮嗜朝啼未敢言

歎息婁山賊隊來競將鼠子認龍媒稱名謁道衣冠智  
策馬關城將吏才何責愚民輸戶米坐看海國是雷臺  
即今小疥成疔瘡人事天心盡可哀

亂世無親各自忙靈棋樂道信東方

亂初卜得

亦知白屋無

人責敢說黃巾避我鄉薄宦計堪逃虎豹先墳忍棄踐  
牛羊平生恥作違心事嬰命區區繫彼蒼

誦讀圍城志轉勤絳頭毛面等秋蚊談何蘇過來隨賊



從此包咸遠讓君纔信子能當亂世益知天未喪斯文  
何時寇退修牆屋走視先生七十人

聞郡東門外街肆盡燬

吳橋松坎木來關肆接肩摩七里閒

出東門度吳公橋沿湘岸南至丁字

口西南行街極木來關東北行極松子坎

二百餘年成望郡數十毛賊致空

闖天心壹似懲澆詐賊餒何能恣狡頑已見凶徒連日  
盡不知元氣幾時還

十一月廿五日挈家之荔波學舍避亂紀事八

十韻

鎮遠歸四年我如僧閉關一日數看墓數日一下山兒

巢經巢詩鈔後集

六

知讀藏書婦解理後園今年婚嫁完余髮亦已班自謂  
禮堂業可以終吾年一命乃受職出處曾細權生理豈  
不苦仕更較此難留待寫銘旌吾甯守叢殘八月揆丸  
起大呼據桐梓揚旂樓山關飲馬板橋水么膺何足道  
一鼓盡禽耳武官更愛錢文臣尤惜死麾兵皆市人草  
木直兒戲見賊白石口投戈已奔圯遂令長驅來其勢  
固弱憊五日始薄郡實行七十里稍拒亦解散閉城待  
其至此時方編甲倚堞時一視城外笑拊掌城中戰搖  
腿徐徐雷臺山突兀布重壘游惰日景從紛如肉附蟻  
遺徒勸四鄉謂我不汝傷助我一石米免汝三年糧愚

民顧身首何惜竭蓋藏擔負日麋至露積高於岡岡頭  
娶子婦歌舞陳優倡朝殺千頭豚暮殺千頭羊官軍在  
西岸坐甲遙相望相望厭相礙上策焚民房闐闐四五  
里蕩為灰燼場非無總戎者遙遙營忠莊調兵一萬人  
日費十千鏹猶名募私練已飽復已防練官約進兵練  
進兵已亡鄉團請助兵十請十不違制府至即死固無  
責短長撫軍駐劄佐距賊四日強藩使臨延水一宿還  
貴陽官大盡膽小恃誰安此方四縣失仁桐具綬亦鬻  
鬻郡城賊不攻自然固金湯何辜四鄉民坐餒蠶與蝗  
羣公皆特簡何以對我 皇我 皇甯識此痛哭呼彼

巢經巢詩鈔後集

七

蒼及今四閱月村禍可勝說其渠名將軍所率號皇卒  
操刀入弱里雞彘任搜括姦兒假其威篝火夜馳劫聞  
聲即潛逃來者或弟姪中間報睚眦日日聞攘竊亦有  
葫蘆軍又賊所齒切相抗或不濟連村轉燒殺吾家在  
東鄙巨嶂與橫截藻溪若桃源居人安懇搔近聞仁江  
上募米漸東出青蛇越三圍行即履我闔殺賊吾未能  
義無苟全活無論餉升斗已與賊為列傷哉負夙心去  
矣一言決鹿麇不擇蔭微祿况養拙倉皇泣祠墓慘淡  
雪中別弟妹送我行拜倒哭失聲鄰里送我行欲言皆  
淚盈考妣送我行松楸颯颯鳴攀松撫長楸此別豈常

情賊平與汝見賊劇慮汝頰向後不忍思哀哀隨命丁  
回首語兩弟莫悲吾獨征慮患事各殊未可一理評不  
有汝居守誰當視先塋先人實仁孝後嗣天必矜嚴霜  
殺百草谷豈無冬榮禍否未可知田廬善支撐萬一理  
不信暫避鋒莫櫻甯令罄所藏勿污餉賊名挈室我誠  
苦借勞解刀兵亂定當來還天道陂則平去去各努力  
無徒淚縱橫收涕即前路寸腸千感并回思適來事夢  
夢如前生

宿羊巖北岸

隔江望羊巖關門高且閉鼓角鳴天半旌竿裊雲際雷

巢經巢詩鈔後集

六

轟灘聲雄綫挂石徑細我行挾妻孥對此心愈悸積陰  
迷早晏空色起寒騎越川既稽時攀陟更匪易關上數  
十家更卒聞塞厠前行儻維谷何以處童穉陬隘聊即  
安止求雨雪避火邊薦縱橫大小爛漫睡展轉窗已曙  
竟夕那成寐

度羊巖關

凌霜下漸峯喚楫越深廣一徑立我前知高幾千丈婦  
女不能步籃輿抑揚上憫彼肩者勞別余蔥孫襁沿厓  
唬不止摩慰心轉愴不緣寇禍逼汝曹甯此狀往時險  
絕處別柏作旁障嚴寒戍卒赭行者走眩晃人頭懸槎

枿賊眼俛仍獷天風吹縹緲城堞兀軒壯一夫當關門  
百萬空自仰憑高望家山百里煙莽莽越境我既免守  
墓弟還強安能逐高翻歸視賊消長蒼皇出門日淚滴  
不堪想防關甕安宰朝飯留不放家人已前途醉去意  
怳怳

過孫家渡宿孫溪

季冬始茲辰犯冷出長谷透迤延長水潭縮淡更綠曰  
余去墳墓及此經五宿曉渡念悽慘峰巒歷回復凍雨  
涇枯林寒煙氾叢竹聽人話播寇澹若楚視蜀故國知  
已遙膽舒意彌感暮投得黎店謂出新喻族老妻旋識  
宗阿媪喜不速移時紛來觀鄰女沸茅屋懽然弄諸孫  
爭抱相咻嗅倒屣已豐餽苦道祇兜辱撫此惜人情重  
親感醅俗里風一何漓倫敦理降戮

巢經巢詩鈔後集

九

傅青餘

壽形

庶常奉

使襄河南防禦以事南

歸與余相遇貴陽歲將盡余之官荔波青餘亦

將還中州飲酒志別

國朝職官志翰林首清班舉世重其選目為玉堂仙下  
此略免俗無踰乎校官雖曰卑且貧儒生腰膝全乃今  
皆不爾此秩尤可姍朝學東序戈夏典樂正干狂者或  
訾傲謂師豈其錢汝無白金千固宜弟子員是何益於

論時方重桑研有志任擲去孰逼與作緣我生為口忙  
甯免啄腐羶鄉郡起木斗又如毒波翻借茲苟全活勢  
感理宜然君今胡為者去年登木天三館備侍從兩制  
看騰騫而何力求外忼慨親囊鞬練卒走大梁省親還  
順元裘黃容不改揖我謂我猥重登君子堂舉杯話時  
難玉鈴發光怪刀氣增冬寒大盜據南畿於今已三年  
看君用意處足以鉏凶頑誰云報恩子不在書生閒時  
危閣篡述智短甘邱樊澄清付公等歌笑容老孱他年  
望高適不道雲泥懸

貴陽別王介峯莫芷升

巢經巢詩鈔後集

三

王兄為早起莫弟亦晨過難此相從久其如有別何故  
山烏鳥樂春雨土膏和無計歸耕垆離思繞薜蘿

貴陽贈趙曉峯 旭 三首

南明江上重攜手斫地酣歌意蒼然滿目肥瓜爭買去  
豆其無語對秋天

一卷桐荃苦意存男兒心事欲誰論何時共訪南平碣  
暗悔阿奴閉石門

冥冥氛祲暗吾亭愁殺黃神鬼不靈攜手東山高處望  
翠微峯色不勝青

祀竈日作三首

妻子都勻我貴陽看人今夜祀黃羊客中且缺三隅竈  
更怕龔翁說短長

山堂人去斷炊煙司命應知早上天悽絕破盆餘爨下  
待陞老婦是何年

紅泥小火鮑姑貧學語牙牙弄小寅細雨山城沅水上  
何因便作倚觚人

除曰將抵貴定兒信到言孫女如達痘殤都勻  
道惡甕城北神傷除日行更傳孫女喪孤客若為情舛  
運有如此衰年安用生怨天天亦盡收涕入荒城

巢經巢詩鈔卷第一

巢經巢詩鈔後集

巢經巢詩鈔後集

第二

遵義 鄭 珍 子尹

古今詩共六十二首

元日貴定早發

已下乙卯

歲首非吾事雞鳴結束仍迎祥通市爆送客去年鐙北  
郭霜如雪山東路有冰輿中隨陟降夢醒馬家塍

元日行至谷洞

亂山六十里一我兩昇夫寂寂雨還歇悠悠溪谷紆富  
貧村店閉來往路人無始歎乾坤內畸民獨腐儒

正月二日至都勻

巢經巢詩鈔後集

三

春風吹鳴篔忽自雨中墮家人驚我至相見愁為破昏  
昏奔馳中佳節昨朝過顧壁有懸肉大小知未餓米鹽  
問梗概兒女猶拜賀全家七人出遽已弱一個歎息時  
命艱悲來心若剗

十三日出北郭視女孫墓所

我到遲三日孫生整四年家新沅水岸腸斷葛蠻天無  
識知何怨同來忍棄捐終期歸骨去葬汝季姑邊

是日厖孫痘忽變逾時亦殤明晨親埋之與其

姊同墓四首

孫男繼孫女半月客中亡止有氣俱塞更無心可傷醫

方誤俄頃瑞日變冬霜世盡無知物昏昏負彼蒼  
行省歸來見聰明隔月增挽鬚輦更笑捉耳咬還登自  
解休悲念茲堪慰寢興終然俱不保肝肺冷於冰  
本為逃生出翻增促死悲早知皆若此苦竄竟何為襁  
哭關山道裘包雨雪時空餘來路在歷歷不堪思  
問天真莫對掘坎不須深且共元娟墓終歸子午岑汝  
生嗟命定余髮感霜增若有輪迴理傷哉見祖心

同陶子俊

廷杰

方伯往觀小井李花

我愛昌黎公乘雲往醉玉皇家大句淋漓幹玄造萬堆  
雪作連天花山城忽復見斯景事去千載無等差雖無

巢經巢詩鈔後集

三三

盧與張卻有陶長沙相攜尋到井源處浩浩一素迷高  
宬雨中觀花世已少桃李更非人所誇君看此品豈麤  
俗蘇子漫搖輕薄牙世間隨事失真樸時尚草木紛如  
麻空花無實不足薦其樹雖貴難云嘉古聖何知有此  
等二南祇取穠灼花喜奇厭正自俗態莊麗久已輸天  
斜君今林卧友樵牧我亦冷笑隨生涯山中菁華知幾  
許忍棄不顧增歎嗟眼光腳力趁明健越州老釀猶餘  
些擬向白雲漲春海更看遠近蒸紅霞

春草二首

沅頭西望暗蔥芊千里青青混碧天獨倚東風思遠道



遽離南海誤當年荒迷市井蕪城賦零落鶯花蜀國絃  
劫火燒餘縱春色殘垣敗圃總悽然

落花依處最傷情已伴蒼苔葬玉英礪谷正幽行不得  
池塘初滿夢難成青袍在昔為渠誤白髮而今視汝輕  
早識出山皆小草漫隨風雨漫隨晴

上東山元武觀

何年古觀鬱巍巍雷震長杉大百圍北帝高居朝絳闕  
南天春色擁玄旗千家桃花亂十里原田薺麥肥  
雲樹不遮西望眼凭闌久立送斜暉

二月二十日發都勻

巢經巢詩鈔後集

三

不識彼蒼意胡為勞此生更尋沅首路遠向荔波城去  
國全家出今朝五口行壩頭山路轉回首望雙嬰

初到荔波二首

峰巒越盡見平原蒙石微曛映雨痕田下江寬恩置艇  
樹中城小望疑村路人怪看皆書擔烏鳥驚飛已郭門  
莫作居夷寥落意此閒便恐是桃源

叔重弟子起遐荒母斂封疆入渺茫始笑平生稱小尹  
坐疑今日到家鄉蛾羣撲撲爭燈火蝠子啾啾滿屋梁  
麤糲了飢供睡事折花當帚拂塵牀

治圃

到官甫二日百用資市廩豈能減麤運雖賤焉得錢隙  
地北牖外不治已有年觸余食力心歎彼徒棄捐買鋤  
事翻墾分畦通往旋草穢肯輕擲待炊臘牆邊向來瓦  
礫場數日眼忽鮮覓子先乞栽市蔬必連根隔種各數  
席居然成菜園人生免倖獲何事非艱難心手盡其分  
美惡隨之天植杖對好風想見瓜豆懸

### 修園

余生山中人少性愛邱壑眼中去竹樹意輒似無著官  
居屋三層不啻效俸鶴曷以寄野懷逍遙散腰腳况又  
地苦熱三月已如灼後圃當階前喜見舊植博叢柚發

### 巢經巢詩鈔後集

五

素蘂曲桃輟紅萼經歲開陸蓮紀異壁存略差池綠鳳  
羽煥爛黃金稍蔚生四牆下品號更紛若仿佛昔人心  
蕪廢失規度徐徐出其莠一一薙以柞殘輒積短埒區  
令蔬界各鑿垣開此扉列石儲坐酌中央棗佳絕葉小  
惜陰薄但有終勝無聊假忘在郭誰家能餉竹為我補  
籬落

### 荔農歌

八月穫盡不事犁春溪墮草溪沒畦年年立夏方下種  
今年小滿未落泥點人謂撥  
稻為落泥水要從天倒田內誓不巧  
取江與溪邑中之黔杜牧之齋潔為禱城隍祠一夜雨

聲達明日明日九龍還浴佛官吏騰騰為民喜會見犁  
杷一齊出先生舊是耕田夫食飽無事行村墟行盡城  
南復城北水滿翻滕耕者無怪問道旁叟此豈猶不足  
四月不耨田何以望秋熟叟鼓隴胡前致詞今朝牛生  
公不知家家欄中飼烏飯不許牧豎加鞭笞終年婦子  
食其力誰忍生日勞渠為古老復傳言田家謹雷忌甯  
令凍餓死不得動鋤耒牛即不生忌還值雨要活人雷  
要斃嗟汝荔農吁可歎作爾官難天更難待汝祖傳生  
忌畢水滲田乾怨天日

四月八日門生饋黑飯謂俗遇是節家家食此

巢經巢詩鈔後集

三

莫識所自余曰此青精飯也作詩示之

昔聞南極仙創製乾石迅華陽登真訣乃傳青精飯藥

汁取南燭術意密莫問後來浸桐柿

見本草綱目

榕柏亦不

斲見通雅

初原飯食法鉛汞藉滋潤何年浴佛供亦與伊

蒲獻佞諂貴新奇此固不足訛吾曩識其名未見未之

信不謂葺爾中烏飯佳節趁貧富當饗殮曰幸免疾疢

列與寒食同意亦延年近相持饌先生一飽感霜鬢奚

從好顏色

杜詩豈無青精飯使我顏色好

今與孺子餒題詩記風俗亦

以詔後進

白厓在荔波治北十里積素削成高入雲際其足  
大空裕瀾修廣五六丈左迤上峭壁丈許復一洞  
如外修廣非狎險者不敢至右復一洞內下暗然  
有泉自亂石閒出或汎或瀆知中必幽潭也勞邨  
江經其前眾山東之來去莫見厓上下草木叢碧  
有枝莖似桃竹多毛而葉如杉者未究是何物四  
月廿日余挈舟遊焉同者凡七人

鴻蒙昔未分積此千仞雪開天日月嫩不能解頑結其  
根有融處婁絡成洞穴江穿日雷鬪撞擣忽中裂半隨  
流水去此矗面如截剛風吹老硬萬古不受湟下嵌若

巢經巢詩鈔後集

七

偏厂楣屐失前列積陰養苔氣歷久化蒼鐵蹲門綠蝦  
蟆一水漱其舌白日澹波光寒森四山閉沈沈百尺潭  
蟠螿富詭譎驪龍常吐珠騰光夜飛掣上下雲閒峰見  
者大如月兩岸盡懸壁鬼愁徑路絕自非藉舟槩何以  
達靈窟我來仲夏末周覽歎奇兀攀溼足餘酸題峻膽  
尚烈弟子黃精粥先生胡麻屑石上一樽酒了覺天地  
別逝將茲避世豈獨擬逃熱倚醉放歸橈回首肝肺徹

黎仁風

復道

招飲許旌陽祠醉書

温公何如人一月不嘗肉朱子在武夷飯客惟脫粟我  
生本窮子夙尚緬前躅疏食已踰分敢更蒸紅玉物力

出艱難賤腹况易足何待伐雞豚傷仁卽損福世道方  
奢薄觸事失真樸一飽須幾何顧必備水陸每常與賓  
筵苦勉祇眉蹙老櫟家固貧胡事亦從俗令君印嫂勞  
冤我臆神哭爲歡豈在此杯酒可相速昨已有成言奈  
何不省錄因歌告友生召我多煮蔬

端午對諸君餽物作歌

一經兩經嬰口紅箬包脰屈稭子從鐵雞斷翹鳧敗翁  
器不供寫留暫充廣文先生笑堂中飯籬一掃昨晚空  
吾謂亞父乃是公鼠銜生薑出窟籠古來百巧生百窮  
葛巾裙練足御冬先嘗麴米春熟濃便解角米麋雙弓  
次第可以到月終卻慚作師無寸功胡瞻爾庭懸者豐  
食籍會恐神不容來朝請客同弭凶間里書師赦書僮  
負米歸養歡聲烘冷官看爾愁殺儂

五月初八日送考過方村宿楊小梧

樓鳳

秀才

田舍二首

劉蔡祠下亂蛙唬

蔡康熙間縣令有  
循績民祠祖之

夜向村居醉似泥

莫問城頭打三鼓月華知在斷峯西

二子頰長清似月一谿耕稼秀如雲  
鐙前好个扶犁手  
苦派人閒作廣文

七月初二日往莪蒲一帶相隘設關

苗患起且蘭焚掠日向烈兵餉兩不繼疆臣任橫軼所恃毛葫蘆保就自固結咫尺山脚皇失自前廿七守土往當邊微軀敢辭拙侵曉入山谷連陰氣騷屑處處胡麻花緣披白如雪草溪徑微茫歷歷踏巖缺人烟固稀少眾志尚勇決為語一鄉生急去暫險絕芒鞋奉雞酒氣振受指挈一笑談經牙化為論兵舌

九月十六日挈家發荔波

老去運轉拙兩年歷艱難去冬挈家出脫命戈戟端五旬喪雙孺念來輒心酸荔波實窮陋春上謂少安數十小偷兒延延蔓且蘭夏杪失山脚三洞境逼連

邑三洞里界獨

巢經巢詩鈔後集

三

山距山脚

邑宰此防禦月餘嗟潰還吾生強好事是時

本閒官出身為保境設險籌其先千夫轉木石突兀見

九關蒙石里打鼓里山梨均樟樹切時來里櫟樸木水春河菽蒲里水堡水江瑤慶里水利官亭凡九隘

手諭十六里促結毛葫蘆雨夜遣門生卯生募練馳南

丹小友召翁昂王拔貢錦募翁昂練健兒爭赴援宰窮拮斷絕餉

又焦吾肝匹馬入村落婉勸輸金錢民愚不急義富者

但乞憐或拔牛一毛我舌亦已乾自從七月來戰守城

完完狂賊浸入境煽投狄家蠻北不盡水婆東不盡九

千皆里名嘯呼逐客戶焚宅分園田我練既大集邑宰蔣嘉

乃病纏遊擊率之去馬清傑威聲震蠻天破賊百里外

八月廿六殺賊過圭臘均不前旋卻賊更延又出又大捷九月初六殺賊過水錯燬

其五若獲牛馬數千頭殺其王號一軍師數人得妖書數冊一夕嗟三遷重關置不

守賊遂臨郭前九月十三晚賊羣圍城凌晨出攻擊易若風掃煙

此時若追逋使彼無一旋乘勝剿數砦大懲攝其頑彼

畏我如神招撫庶可言如何即退入堅閉城門櫪營卒

競功賞忽已兩日閒奔者既萍聚來者復鉤牽近寨十

逃九城中半空闐誰歎與吾守中夜起浩歎事變知若

何我非民社權武城有越寇賢躅許躋扳告罷又月來

名存實非官門生百里外婦舍心久專庶以息老夫脫

此危邦患秋郊日慘色紅樹綠江干露擔數千卷出入

巢經巢詩鈔後集

三

妻拏閒回首望白厓漸遠增愴然涼風吹馬首蕭條異  
山川悠悠歎吾生哀樂送百年數也可奈何何必辭阻  
艱

宿拉冷寨

去官無知者一笑仍閒人匹馬趁行李溪光終日親投

宿入蠻砦賊遠喜俗淳其人盡樓居此家還富民諸男

徙山洞老婦獨看門詎是宦家子赤腳來依因吹鐙進

粳飯一嚮媚女孫土俗以粳飯為貴見孩孺先以粳一團肉一嚮與之示親愛與語

各不曉拍笑致情真鼓角聲絕耳恍然定心魂始復脫

衣卧不知何處村

明日至里湖

江流轉勞村

荔江西流經荔波城又西八十里入廣西南丹州界屈而南經勞村始得勞村江之名又流入荔波界復

出南丹下會柳州江

已入南丹境萬山不墾闢叢茅荒

趾頂燒田黯若墨微澗遠當井時節逼初冬雨細增驟

冷僻墟抱岡巒中處百室併名湖實在山李生

肇

此秀

挺預掃屋西頭迎我笑欲瘦几案列幽潔酒食羅豐整

謂言客先生一歲足供應劉生

校書

居對宇事我父兄並

豈知師弟緣為送憂患景自從荔波亂就避斯為盛家

家滿親屬容膝即異等而我獲安居艱難了不省文豈

在斯乎吾身良自幸

巢經巢詩鈔後集

三

令同兒往南丹州相居寄莫刺史蔭臣

樹棠

賊滿都雲地客行生百憂擬前往南丹紆出羅斛州家

累有牽重顧難定行留欲得寄孥所進止至彼籌翩翩

莫刺史高義接勝流蓮花山下地宅幽勞為謀途窮倚

朋友世亂重鞍鞞相望七十里濛濛風雨愁

南丹土州治後有好巖壑溪流門前瑋向市塵落盤

中昔大池今日田漠漠莫氏多歷年楨等固誠若世州

豈偶然宅勝見規篲去年燼賊燹荆棘蒙瓦礫伋也與

平播石楔歸猶綽

舊署門外石坊為明萬歷末土知州莫伋從平楊應龍立其扁書勲著西

南四字

史志失記載茲足補其略我來兩日留患餘歎新



獲

劉三行

名芝山字伯龍以功得從九品

賜藍

翎弟叔龍芝文粵人呼劉三劉四也

淑浦劉三勇絕倫熊眼虎步儒士身南丹治鐵兒其羣  
 起殺粵賊賊益虜笑視千萬如一人手提鐵礮六十觔  
 蹲置膝上承以肱右手發火雷怒聲鉛子百貫如空行  
 子未落地繼又轟擲礮拍手看賊崩乃公懶追縱使生  
 連日大戰南丹平論功推與士哲兄坐看五馬加雙旌  
三族兄士哲秀才至治依三每從討賊三盡以其功與之今官襄陽知府安知從九何功名  
 治畔延師授五經荔波苗孽擁蠡蟻擬柳治地飛書速之  
 至為我疾馳二百里開口不說殺人事殺氣時向眉閒  
 起大酒宵酣把君臂青眼乃今見吾子吁嗟三乎吾老  
 矣

巢經巢詩鈔後集

三

楊性農

羹珍

主事次拙集中窅字韻作詩見寄

仍和答

明月綠蘿煙窈窕游屐他時慣幽討十年不踏枉人山  
 屢夢猶尋沅上草楊侯晚歲始相聞香火舊緣應未了  
 勞君妙語苦刻飾歎我衰容日枯槁欲參兵選知已遲  
 擬上權書還不早置身天地成贅物回首風塵甘卻掃  
 寇氛連歲瀕衡湘殺氣彌空昧昏曉茗山橘洲非昔日  
 白骨青燐照蓬葆圖書何法各無恙保聚知君功不少

我從去秋值播難困守荒村逼冬杪亂將造已方鋌鹿  
悔不先知有如鳥義之痛天劇纏心柳子教蠻聊破惱  
所向招災命眞惡有苗弗率城甯保棄官歸去近歡迎  
里燧重然復愁倒茫茫對此住又難默默觀吾運何巧  
羨君芝室傍桃源比日安居得精考昨來遠質亂餘集  
此事已繼南村老謂湘阜老人可憐申甫求崧高眼中人已矣須向崧  
高求性農近作中語何減文貞賦天寶我詩乃作故謬評子意得  
毋不存稿因知賢者口無擇想見斯人影亦好過訪非  
難一葦杭相思叵耐九回繞會教太白遇賀監終免孟  
郊悲賈島寄言吾道方龍蛇且止擺頭莫輕掉

巢經巢詩鈔後集

三

芒場

南丹不可住浩然思故鄉攜家指西北山氣何荒涼匹  
馬穿茅林馬身林中藏茅花拂我眼茅刺叢我裳終日  
不逢人知越數十岡大山山產良錫惡子雜五方去年  
作道藪降者身手良前月所致練殺賊信莫當日落過  
其下顧畏增徬徨前途不可卜且喜至芒場

六寨

天晚投六寨入店主驅客謂賊燒豐富此止廿里隔全  
家擬即避君請去他宅倉皇了無計斗覺天地窄街人  
方紛驚此拒彼甯得婉語向主人意轉還好色作炊進

土缶苦道且強食萬一賊果來相攜走山匿敬謝主人  
意一覺天已白

戈坪

偷途越叢山賊遠終膽縮戈坪晴無日慘慘鬼門複來  
蹊長茆隱去徑垂綫續山口千人呼仰望但雲木意必  
豺狼羣高視規我肉命窮輕死生險熟隨禍福行歌上  
坳際矛戟列似竹團長指眾言當公出前谷相驚賊掩  
至各已戒义族笑子悸我魂吾亦駭汝目一恐有乘除  
慰言兩無辱

月李

巢經巢詩鈔後集

五

蠻路無定里客心爭宿程午言月李近及達已初更不  
辨市大小何知店縱橫家人坐行李壁挂乾死銕鋪牀  
枕牛牢書擔薰豕槽生有陳蔡厄空言更何能得休有  
餘幸已勝黑地行

牙林渡

曉下牙林河上即麥沖水去日溯所源歸時度其委大  
回溪葦間寒浪淨不起篋篋結小筏稍踏没首尾肩夫  
不釋擔籃筍已淹底笑視龍伯宮僅隔蟬翼紙我馬具  
木馱凝立外生死行險恃心亨我師良在此

槁里

晚篴蘭汜河日景漸翳翳陟巘知幾里 忽不見地力  
夫感我厚昇荷不忍棄瞽行即槁里適值店叟醉少婦  
謹看客羹茗親饌饋引坐視如女一一詢近事為言公  
不見昨日可勝悸不知何官屬眾向蘭汜濟訛報賊渡  
河舉街急奔避露宿黃茅岡呻啼愁老穉各各晚始歸  
公喜未早至吁嗟亂世民幸活膽亦碎所憂非我力永  
歎還棄置

羅斛寄莫蔭臣

棄官至里湖擬從里湖居君復遠相迎遂至君之廬文  
章動海內自媿非其徒子何愛於我溪眷如友于朝夕

巢經巢詩鈔後集

三五

致饗餼筐篚及妻孥謂言且句留此邦幸無虞待擇巖  
壑勝結茅供讀書悠悠墳墓心不死誓不渝訪有一綫  
路及今猶可趨大懼亦充塞賊速鬼不如剪鐙話深夜  
握手增欷歔臨分又劇慮選隸與戒途子誠周慎才此  
意人所無苦渠四百里護我出坦衢及茲遣歸還再拜  
附雙魚情親無飾語意重若未據黔粵距莽莽世界昏  
塗塗男兒苟氣合胡越猶比閭勛哉古諸侯威彥真前  
模

聞十月十六日荔波知縣紹興蔣曉雲  
嘉穀擊  
賊於縣東西十里水錯河力盡死之

林苗生苗一時變兩月恃者三百練砲倉鏖奪亦已無  
勢不死守即死戰嗚呼大吏坐視如不知一令死若殺  
一雞天令若輩斲黔國君職已盡何唏為

旋聞十月二十日南丹練首從九品 賞戴藍

翎劉芝山擊賊城外中銃子死死後二日其弟  
芝文率部眾出城與賊殊死戰殺賊尸幾與城  
平其兄及蔣令兩樞從歸南丹眾亦遂散

嗚呼世禍知未已無用不死有用死平生千里不留行  
兵事好還爾何悔季也縞素揮雙刀兩棺捲過血漲濠  
匹夫報友報國盡於此孰要 天子知其勞

巢經巢詩鈔後集

三六

行抵貴陽喜晤莫即亭芷升唐鄂生因懷柏容  
杜老飢愚復孱懦弃官西走挈小大自云定分豈可逃  
幸免戈爰此生荷我於此老一毫無自應奇窮十倍過  
一場噩夢何足道萬劫妙明了無挫故山已近薇蕨餘  
吾黨獨憐四五箇不圖所思忽聚眼卻憶向來魂尚破  
誰歎致聲與黎檬盍早歸乎共林卧

集即亭芷升黃子壽唐鄂生及同兒食欣然有  
作

才難聖所慨會合尤難諳喜此席上人幾盡坤西南不  
因難危際奚自翕且耽莫五別兩年北選無路參書叢

借小住文獻思獨擔黃九讀中祕歸來日朝三攤書忘  
軒冕穿穴如蠹蟬唐四今端孝嘗險備苦甘葛經舍外  
寢高師拜遷談不見止三時莫六更出藍未肯受蒙困  
於古乎貪各抱千秋想對之我何堪身心兩衰落理  
籌牛骨鑽經年風中走自縛真如蠶此集亦何幸嬾拙  
又見涵譬但分殘冷我已飫且酣小兒強解事可笑不  
自慚未覩宗廟門焉知有牛函長者謂可語亦且慰白  
鬻當代大師業吾邦遲遠覃不知自誰氏開先啟其  
於今三十載守失乃在郊北海無細漏南閣有獨探誰  
信嘉道來家法多逆男思下牂柯兵詖邪令受戡吾衰  
付公等此意非狂譚獨惜世界黑乾坐憂如悛鄉國盜  
充斥去向迷劇驂日夕望阡墓我馬何時趨安得武陵  
溪桃花紅映潭放我及數君東西對茅庵農閒輒款戶  
佳日還昇籃道泰會有時聊云樂瓢甌心長苦髮短念  
此殊醪醇

借邵亭游東山

東山在城東望近行轉遠非為腳無力實緣舉步緩壯  
年惜鹵莽一日陟數嶽貪奇及玩僻回憶兩皆淺茲山  
經廿載今日乃復踐霧散天宇明木落露崖窾初心信  
所詣但視日早晚屢息遂及頂萬家俯在眼君山讀書

處遺跡杳莫辨冷風襲菌桂返照上苔蘚時危思古人  
一杯何由遣

偕即亭子壽游 峯山觀王陽明先生大小二

畫像四首

大像伯服高六七尺許上書封新建伯勅嘉慶初建先生祠敖某從制府

百齡乞弄於祠後失去貴竹王觀察珮復購歸之小像燕服席地坐有龍溪緒山等四贊及國朝袁簡齋秦小峴諸人題册為先生裔孫蘭陔攜以游黔留賀撫軍長齡所道光甲辰撫軍以藏

洞中

出游預生憂日短城早閉欲多數刻玩相攜食羊肆漠  
漠煙際村蒼蒼松閒寺紅樹稀昨日蕭寒滿冬意

微雨歇還作沙沙鳴竹林登樓一周眺城共山色溪干

巢經巢詩鈔後集

三

戈百里外欲拯力不任方為麋鹿游遙遙沮溺心

乾愁漫自慰且止看松竹焚香禮陽明中感復悵觸一

丞落首膽三使國日感古今不相及生齒付魚肉

意行不知處花木還精廬中有狂道人埋頭對殘書不

出三十載無語同癡夫問之止瞪眼吁嗟吾不如

貴陽送即亭赴 京就知縣選兼試春官二首

林卧已云晚問君何所之不堪離別意豈是宦游時欲

語都難說相看祇益悲生非無好命歎息十年遲

與君三十載親愛等同生別面無終歲傷懷獨此行宦

成歸不易吾老去非情藻堰柳州月何年管送迎

藻米堰在

余墓廬側柳葉洲  
在邵亭墓廬側

王介峯言某友家有說文宋刻本亟屬借至則  
明刻李仁甫韻譜也書凡二函冊為錦罽金籤  
極精善細審函冊分楷標題並先師程春海侍  
郎手跡知是生前架上物也懷然感賦識之冊  
端

我為許君學實自程夫子憶食石魚山笑余不識字從  
此問鉉錯稍稍究滂喜相見越七年刮目視大弟為點  
新附考誦過非石氏公時教惠王歸沐輒奉几每歎伯  
申喪無一可共語

王伯申先生秋卒余  
以乙未正月至京師

留我卒漢業令

巢經巢詩鈔後集

三九

館王學士

宗誠

區區苦思歸告別前街邸

先生時宅兵  
馬司前街

月

中行且言送我至驛市焉知即永訣師弟終一世踰年  
與秋薦先月公已死猶幸棺未返及哭龍泉寺

先生以  
丁酉七

月卒戊戌夏  
柩始歸歛

於今十八年念至止出涕令子沒廣州文

孫知何地在日所撰著十不存一二插架三萬編散歸  
他人屐此帙何自來舊檢辨題識歎落銜董口徒令詡  
裝褫無錢可置得我愴焉得已

題唐鄂生藏東坡書馬券真跡

並序

坡公玉鼻驛即元祐元年九月謝表所稱以臣入  
院賜金鍍銀鞍轡馬一匹者也後四年四月以龍



圖學士知杭州時同年子李方叔去年公知貢舉  
下第居京師益窮公因舉駢書券賙之云又恐別  
獲嘉馬不免賣此蓋飾詞也至涪幡跋則惡僧聲  
口矣後十餘日公即朝辭其年秋方叔復下第次  
公日字韻詩求諸公光榮林泉知其時駢已賣券  
不知落誰手真跡刻石在眉州絹本向匙見者今  
年冬余棄官歸至貴陽鄂生出舊藏見示據思翁  
跋知明弄陶葵陽家時已失去黃跋以前傳授無  
可考然外力中稜細筋入骨信為公書無上真品  
未易為止知毛色者道也因作此詩附尾云乙卯

巢經巢詩鈔後集

四

十一月

大峩仙人書家伯天馬行空不可勒公據真傳玉鼻駢

國初已剝眉州刻

王阮亭謁蘇祠詩  
馬券剝落涪翁書

曠代無人覩真本

一朝到眼信奇蹟香光評宋四家書坐位同宗一片石  
鬱屈瑰奇似此券竹山太冲豈非嫡是時先生厭北扉

太華逸民正窮阨卿賜無嫌鄧取梁右牽不比裴寄籍

大手書原題扇意月評價長騰黃色老皤更屬巧言語

臣駟真成履黑白貴人乃訾非上閒淺者迂談倍嘉德

秋後牛衣歸穎川分無款段將下澤定應難待二十萬

賤售不論兩相值丈夫命窮實難強拯助空費師友力

坡谷大是噓枯人富貴一介宜易得微名薄利望能幾  
買羊賜馬總無益文章身後方值錢農圃殘齡等投核  
方叔次日字韻詩欲持牛衣歸潁川結廬抱來徒令墨  
箕隗前且畢殘齡學農圃試問瀛洲紫府仙  
寶存左契坐羨天駮壽銅式何人割去涪翁書或似安  
家有分析焉得神物合兩龍持配黃州賦寒食

米元暉洛晴冬晚橫卷為鄂生題

雪盡嵩陽玉女峯初日挂在東谿松歲晚懷人欲相訪  
忽向青天騎白龍醉眼烘烘洛城陌紅動晴光入荷澤  
三川煖靄樹依微九谷生雲村幕歷虎兒筆力信有神  
傳家逼奪阿爹真可惜伊陽好風景已是五湖田舍人

巢經巢詩鈔後集

四

舍在大姚村  
余亦今成懶拙老論資卻怕數峯笑  
黃松瀑題元暉湖山  
烟雨卷云忽因繳駁論  
資格江上數峯微笑人  
屺上梅花喚早歸還山趁有黃  
編襖

題趙子昂八駿圖周小湖觀察  
作楫物卷後多元明人題

承旨畫馬止八匹匹食過王母秣龍精可寫不可藏  
三十二蹀躞素裂征戎遠憶周穆王恃此且致白鹿狼  
如今縱有亦安用日暮天寒烏啄瘡

沈石田於明成化庚子畫怪松卷四丈許蓋臨  
梅花道人者後書杜工部題松樹障子歌大行

書越六十年嘉靖庚子文衡山復臨沈枝幹若  
一自為跋於後又越三百年為國朝道光庚

子黃琴鳴得沈卷而文卷先為大興劉寬夫

坦位

所得寬夫其子婦翁也因以卷歸琴鳴使文沈

合璧焉道州何子貞

紹基

以畫者得者歲皆庚

子又巧聚若是額曰松緣畫禪琴鳴實兩卷甚  
不易示人告余曰溝壑漸近他日當同以畚土  
之藏也為廣其意題一詩於文卷後

黃山絕頂堯時松死在文沈兩禿翁石田一掃根拔地  
六十年始回生意衡山再寫樹遂枯以後神入兩紙山

巢經巢詩鈔後集

四

中無琴翁經世才好畫乃餘事自得兩松同起睡而今  
滿身是松氣我聞君家井西留下虎跑石須待其人繼  
其跡他年君若飛昇以此當茅龍借我一枝作杖相追  
從

子壽事其親琴鳴

輔辰

觀察南還時拾怪石於

白茅灘上琴鳴因為硯左右之子壽屬余作

拾硯圖並石狀系以詩

親生雖曰嚴其實不難事苟有孩提愛隨物得其意海  
南玉糝羹豈真蘇陀似老人謂奇絕在意不在味黃子  
好氣象和順出中積以之奉晨昏能離膝上置南歸逐

錦帆魚筍日親饋泊舟白茅洞拾石瀝水裔嬉弄上家  
尊謂可博餅餌馬知大歡賞贊曰天然製寶待越下巖

孺筆復圖記

琴鳴先作  
圖記其處

信知承志物不知鐘鼎貴為畫

江介情用媿儼恪輩

旌德呂茗香

廷輝

明經年六十餘以去年避寇

來貴陽課徒於東城人家窮甚余訪得之知早  
從洪稚存先生弟子孫源湘編修學與同里姚  
仲虞配中相切究故學問具有淵源後見余詩  
文枉贈長句次韻奉荅茗香道仲虞年五十餘  
卒著有周易姚氏學及卦氣配月令駁惠定宇

巢經巢詩鈔後集

望

推鄭氏爰辰為誤之說惜未見其稿也

我吟率性真不自謂能詩赤手騎祖馬縱行去鞍羈誦  
君投我章一廣見全師句法有淵源皮裏無時宜而乃  
詫小作直自忘牆籬奈何命巧丁瑣尾悲流離適越資  
章甫何在不受譏黔封黑昏氣棄甲嗟于思庖蛙與燭  
蝻強且隨書兒天運誠茫茫巧歷不得推相傳幹世真  
端賴一二持古賢有阨窮小忍徐待之汨余日就老百  
念無一幾午山雲卧地草木相蔽虧客夢屢還往苗藿  
難為辭服鄭學業成亦在黃巾時相逢雖恨晚炳燭或  
未遲北江有遺稿匪示都不知

君出示北江先生詩文  
遺稿多世所不傳者

願君自今始作砒母作磁安知漢東侯驕楚不在隨

附元作

昨識先生面今讀先生詩奇者境獨闢杜韓不能羈  
亦有平易者非徒白傅師經以為之質所向無不宜  
自是鄭子詩豈屑寄人籬最愛玉黍歌徵引何離離  
君若遇丈人應無不分識又愛燒書歎比擬匪夷思  
有味乎其言病子與唬兒偶舉此兩端其餘可類推  
詞章與考據二者難兼持我 朝盛文獻亦不多見  
之顧闔毛朱外孫洪其庶幾先生真一勇華實兩不  
虧顧我學既寡亦不嫺文辭偶爾託吟詠雖窮工無

巢經巢詩鈔後集

四

時昔曾歷嶺表老惜來黔遲何期遇先生一見如故  
知是真有天幸漫云鍼與磁君龍我其雲上下常追隨  
琴鳴與余飲言昔年在京師有持程端伯臥遊  
圖五百卷之第一百九十六來售者長二丈餘  
心欲之而高值不可得適有佳紙因剪燭臨之  
自更定至雞鳴而畢誠一快事醉後出觀歎使  
端伯把筆不能過也因記一絕於卷上

不得錢力得挽力一夜坐挽清溪回圖成笑費十枝燭  
看爾詰朝昂價來

題仇實父清明上河圖四首

陳虞封  
圻藏

朱雀門開散早鴉萬人如海事紛拏趙家全盛分明見  
不用東京紀歲華

南北瓦頭諸伎新龍津橋外漲紅塵荔支腰子蓮花鴨  
羨爾承平醉飽人

景象天禧慶歷間青苗愁歎未登顏畫師無限傷心事  
不寫城東萬歲山

清明風物汴河干仇老精能過擇端資聖寺前如問價  
一金止許一回看

巢經巢詩鈔卷第二

巢經巢詩鈔後集

墨

巢經巢詩鈔後集

第三

遵義 鄭珍 子尹

古今詩共七十五首

周春甫以仇十洲山水長卷當其桐陰山房圖

索余篆額並為長歌

已下丙辰

詩必此詩非詩人畫必此畫兒童隣非馬喻馬之始真  
此意難以滯者論君不見小謝在何朝而刻敷文之印  
子雲生何代而題李約之齋五百年間一旦暮識與不  
識相往來况君尚友心大雅同一堂焉知仇十洲不為  
子畫山房村曖曖兮雲遠風娟娟兮樹涼魚艇下時山  
水綠蛇虎不到松蒼蒼此境人閒本無主誰其寄之即  
暫據煙雲變滅隨東風何論畫師有今古清曉此澄對  
大與桃源同吾欲與君日日醉游水南東不聞戰鼓悲  
老死葬其中一念隨起復隨寂究竟不知何主客君看  
抱琴橋上人似是老柴今日題卷神

三月初八日偕江夏夏秋丞

成業

刺史山陰王

介臣

上舍淑浦舒文泉

必濬

學博及黃子

壽唐鄂生高秀東

以莊

游芙蓉山余為圖系長

句於後存子壽所

芙蓉山在城東插天一朵青芙蓉上下蜂房著芙蓉春

來車馬如游蜂美人勸我扶病起為指銅駝淚如洗今年此地不看花明年此日知何似春風吹衣上高樓開筵即在樓上頭雖無二十五老者座客盡是珊瑚鉤俯視城郭銷我憂煙花十里爛不收濟火何年受節制令人卻憶忠武侯酒酣噓氣吹十州狂來發語無千秋卧看西山日將盡碧雲為去心悠悠藻米溪龍尾潭亂紅已過三月三何因便逐四溷裙子後花邊送餉還祈鸞黃子壽遙寫段懋堂鈕非石呂鶴亭父子賢基錦文許瀚凡四家校曹刻集韻於其本並自增校甚詳命同兒窠錄為校勘記因系數語即次

巢經巢詩鈔後集

望

邵亭書後韻

黃君校理祕文日窈窕承明羨謝瞻

謝宜遠答靈運詩窈窕承明內時康

樂為祕書監

丁韻曹刊漬朱墨滿身瘡孔愈精砭我慙章印

正吳補待子傳鈔突為黔

亭林先生過章邱借任氏吳才老韻補讀之留十餘日作

韻補正

勝似觀棋隅坐客亦憐得暇繞書籤

坡詩季子耕且養得暇為

繞書

次韻答子壽時方力辭監院

世事如何得自由大都無懈有監州公卿愛士雖奇數禮樂攻吾頗豫籌何處江翁容狗曲高吟工部上牛頭且欣無復能拘礙莫道真成浪出遊



送伯容之鶴峯州州判任二首

憐君老大衷方舒家運方隆得自如八秩雙親視行李  
一門羣從沸題輿箭盤古說奇風俗江女人傳好菜蔬  
笑指悠悠山水嘗來百味總饒渠

剝盡頑膚始見身六經為伴鬼為隣事無兩得寧捐短  
我亦三思祇有貧此別相逢識何日數年不死待歸人  
鈔書頗羨夷陵紙覓得無嫌遠寄頻

歐陽公言天下賤簿惟夷陵紙歲久

不壞

歲暮有感

睡醒長噓一欠呻茫茫澤水望無津蒼天氣老鍾庸子

巢經巢詩鈔後集

吳

古聖墳銷讓後人赴壑修鱗還沒尾如雲大翼不生身  
向來猶共梅花語近日梅花也不親

臘中種竹

礪礪東邱似廢臺求泥種竹笑心孩傲韓偏欲石閒大  
學杜還於臘月栽久識此君無熱性要宜肥地必凡材  
明年看我龍孫茁始信先生妙手來

遂種松

東邱高壑可書堂祇為無錢意豈忘預設蒼官三百職  
今朝黃卷九千箱老知此志恐難遂成待後人要忙忙  
想見軒楹森寶笈龍吟風雨翠排牆

寒夜讀書

雪意宵嚴逼歲除縮肩睜案似蟾諸信知冷卷眞冰手  
何怪兒曹不好書攏裋獨吟鐙暗後開門正值月來初  
漫嗟窮相人皆棄且幸前賢面未疏

儂終

林居那至盡無功歲已儂終事未終加料壯豬糠屑白  
燒灰除蝗菜畦紅聖賢決不甘癡餓氣力何嘗有死窮  
猶媿隣翁同此事一年未止飯籬充

開歲十一日漫書

己下丁巳

拄杖徐行日煖溪便過溪口駐疏籬梅殘尚似初開景

巢經巢詩鈔後集

兪

柏老猶生最嫩枝醒酒趣宜風竹舞養饜心羨雪菘畝  
兒曹儘樂新年事不是阿婆得意時

正月十六戲書

鐙節行看過兒童又爽然抱書愁上學牧犢怒持鞭老  
子卻成喜新正劇可憐今朝藜藿腹纔得脫葷羶

二月二十日以病新愈命同兒赴貴陽書寄劉

仙石

書年

觀察五首

病起忽若夢不知此何節惟見櫻桃花滿山白如雪憶  
我除日歸絕粒已半月居然不許死天意豈無說持杯  
勸口飲汝窮命眞鐵

三年弃校官無疾羨藜藿醫師頗相妒不買一錢藥豚  
豕蹴唐園陰陽患因作飢飽有定分違即攘其鑿迹結  
無情游行歌老帶索

河閒劉大夫儒雅今文房小男十二齡月讀能一箱乃  
肯坐令拜侍盤辱符郎人老愛佳子病過畏遠方清晨  
花樹下正嚙天人糧念至忽抱書翠眉立我旁無緣使  
終業慨然思禮堂

識途豈乏良疏請差厥我還書驚深眷謂即小兒可我  
已不足師况乃更遜我盛意良難違事賢彼猶頗老深  
舐犢愛行笈計瑣瑣遙懷正五游樂事慚坡過吁嗟意

巢經巢詩鈔後集

辛

氣感政不為貧餓

清晨坐亂堆日夕不出門山花漲香海開落忘問存  
刷氏起欠伸吾亦頭眼昏貧人作富事勞力增病根旁觀  
竊相笑此意難共論古來幾窮者正以為昔魂心想迫  
衰暮命在復何言

五孫種痘作二首

門衰生不殖德薄天益刑艱哉廿八年乃僅增一丁吾  
年已六九於世鮮所營忘希禮堂業期以數世成生兒  
亦不惡顧後百慮并去年望孫眼喜見此甯馨何止萬  
金視漸看緣机行虜瘡念誰免神痘或稍輕

方書有神痘法即今

以種納鼻之說。是吾兒不死一擲。唯命聽根。窠發紅潤漿汁。光以盈持。狀證方書。吉徵固分。明常虞意外。變日夕中。不甯新婦。以為命每抱。達五更口瘡。八音樂舌。乾羣鳥鳴。百方慰煎。燭聽之感。人情罔極。昊天德泫。然思所生。今來慶痂。落始覺心。太平持觴。祝嘉樹。從此躋耆齡。吾衰尚未懶。大字鈔六經。

痘於古無說。始見肘後方。云自晉元世流來西北疆。當時以形名謂之豌豆瘡。自是徧海內。例作生人常萬孩。無一免百發。或十殤。九九論聞人。直接明仲陽。或云食毋穢。古豈皆空桑。或云本時疾。六沴當屢傷。要是淫火。

巢經巢詩鈔後集

至

說足痺扁與倉吁嗟。世運降陰禮墮。渺茫容止不復戒。生子貽之殃。吾聞今龍家。諸姬徙要荒。先王典則遺一。

一未盡。忘彼中斷痘法。婦孕輒異房。大家主室老小戶。

司姑嫜。眉閒驗紅縷。別處加銀鐺。痛絕三番疝。見李東垣書

在嚴七月防。陳鼎真黔土司婚禮記。龍土司即左傳龍人裔於周。為漢上諸姬楚滅其國。俘而放之南徼。遂成今龍家苗。其俗最忌痘。痘者百無一生。常因一兒痘而延染一鄉。竟絕種類者。求其不痘。一受孕。即不與男處。則所產者決不痘。故大家設室老專護其事。小戶即其姑嚴護之。其孕也。今夕受胎。明晨婦眉

閒。即有一縷紅絲。隱隱而現。每晨婦人謁姑與室老。一見。即知立為移置別室。夜加扇。鑰日夕隄防。至七閱月。胎成方解嚴。以關係。此實前聖教於經微。而彰三代形。非一人一家故也。

管法女史職所當。如牆所當夕。月日書之詳。有身退金。

環側室閒同藏載震即載夙周公頌先姜豈繫不諱祖  
固曰夫婦綱生民載震載夙箋於是遂有生而肅戒不  
戒也靜女傳后妃羣妾以禮御於君所女史書其月日  
生子月辰則以金環退之疏此以將產為文實有娠即  
宜退之生民箋云云是也古人用意精胎教何齋莊况此關壽命能  
無大為坊毛鄭讀書多遺文本周商禮失守在夷何必  
傳高堂安得世盡爾嬰兒免茲瘍因之證古義庶召祿  
官祥

寄趙芷庭兼壽張氏嫂二首

與子壯懷日至今曾幾時相看俱老物且喜各佳兒已  
往不堪慰未來安用思惟將一壺酒百里對歡持

巢經巢詩鈔後集

五

春風沅首別不見已三年每向山妻說無如嫂氏賢  
朝逢覽揆遊子忽西旋應勝看新婦攜孫在眼前時女  
歸寧

而婿甫自  
省垣還

重午子行家

叢護欲開榴火鮮醉著老夫蘭盞邊三點五點竹閒雨  
一聲二聲林外鷓鴣田父無心記端午兒童有味似新年  
雙嬰沅首忽關念南望題詩神黯然

行年

行年五十二老與常人殊兩鏡作全目一莖非黑鬚我  
思前可懼妻引古相諛白傅衰尤早君看九老圖

寂寂

寂寂碧山裏蕭條非世情家貧親戚畏官退比隣生百歲已過半一分無所成長吟風雪暮心事不勝驚

引妻

引妻三女後曳屨七泉濱曲曲青林影悠悠白髮人田評香稻久路摘刺藜頻隣舍盆方鼓相看是幸民

謝芝園致乾魚

我手不熟釣而識釣之意我口不習甘而知魚之味其佳在鮮腥鹽醢失所貴匪惟我厭之神亦吐膾祭鮮者既不常薨又不足嗜惟腊而不鹽失上得其次膏炙和

巢經巢詩鈔後集

三

鹹酸復以蘇蓼配妙稱點燒春細嚼兼骨刺此味非手釣欲得亦無自晴溪好風日持竿負蝦筴或垂深潭上還去激灘際大魚三寸長小亦不之棄隨得隨腊之層布竹笠背所以鮮氣存終年無餒潰我愛芝園翁送老綸與餌積蓄知幾卅飽助千場醉憐我如蠹蟬徒起無魚喟一包遠寄餉勝似十牢餽所歎去百里腹慣難為繼題詩達珍賜笑帶乾魚氣

臘月十七日馮氏姊還甕海

姊來兩日歡姊去終夜語相守待晨發雞鳴淚如雨姊氏信仁賢事事肖先母生居窮兒長歸為獨子婦見喜

三後姑能肥八男女比年連三喪賴汝隻力舉問產尚  
如舊益知心獨苦憐我憂患存不見幾寒暑十月遠來  
歸俄及聽臘鼓兩手何曾閒女事取相助鹽貴朝淡食  
火弱夜圍聚隨說得顛顛凡動見規矩謂當開歲還家  
政莫余悔歸甯已不易過節尤難遇屠蘇盞增一墓域  
鐙見五鄉俗上元家點鐙燭於先墓余姊以近故亦年年上鐙父母前行年將六十似  
此知再否信至乃爽然冰泮期已許女債當須紀日促  
安能佳所歎道阻長凌風寒莫禦知姊性過我臨事不  
遑處出門復顧言明年還視汝善留相見身多福宜自  
取有子能傳業有孫行當乳得過且復過慎勿踏豺虎  
凝立思姊言鳴篋淞中去

巢經巢詩鈔後集

五

寒夜百感交集拈坡公糴米詩語為韻成十首  
陰積非一朝成此意慘鬱夜風搜枯桐空條猶拂拂隔  
窗鬼吹鐙沈冥了無物苟有可以休相從吾豈不

此地是何地此天是何天偉哉造化身森然立於前所  
跂誠莫及頃觀殊未賢即事良自悟乃有區中緣

悠悠念前武朗若示我程豈無同徵人九旬歷公卿當  
年苦貽厥萬事傷人情獨無東萊下假田躬自耕

洪水焦堯心林下有棄瓢實無盜壤具洗耳原不悖聖  
拙已懸絕愆尤皆自招不見觀棋人非仙還失樵

少年遠求仙浩蕩窮四極焉知眉睫下即是不死國歸  
來意恹恍翳翳日將匿念昔瞻依人再見已不得  
聖時鬼不神匪是固難拗太虛中何物恨來直須斂吾  
生更有幾欲止心若絞青青北山薇摘得與誰飽  
一溉不救旱或有因以殖古來傷心人身在豈遑息老  
農及秋病扶杖觀黍稷知無嘗熟期留之子孫食  
夜長何漫漫我念亦已迂甯紉一時智思免千歲愚荒  
程詎云苦所閱姿年徂蝓蜨轉糞丸信與常嗜殊  
祖衣曾幾傳真意遂已杳不有獮獠兒此患何時了觀  
生豈無意遐想出天表遙遙移山公計世良不少

巢經巢詩鈔後集

五

千里訪所思觀止心已慰逝波迫歲暮悵懷起予思荒  
荒裘氏吟而令安邑費蕭寒蘆葍根可以味無味

早起觀梅次坡公松風亭韻

山中一家不成村隔壁聽書皆古魂天憐此子太寂寞  
特遣玉友陪朝昏四山雲合迷處所南國少此梅花園  
幽光照世有奇賦冷面對人無暫温老夫未曉不成寐  
起視不待升初暾自憐此花極似我眾人未醒先開門  
何異桃李方睡熟汝獨笑語冰雪言凝陰閉塞幸珍愛  
歲暮保有山林尊

再次前韻



殺豬聲叫東西村歲垂盡矣驚心魂先生囊無一錢看  
獨與梅花同旦昏時從南岵上北嶺復出左坪還後園  
籠裏行哦總花底花亦喜我恭而溫似說天寒無浪出  
且當白醉松窗噉感君相示冰雪意未晚手自關柴門  
遙天鶴子在何處室內豈無交謫言坐聞馬嘶鵲亦噪  
促辦明夕屠蘇尊同兒時  
館貴陽

三次前韻

前年梅開賊掠村攜家遠避餘驚魂去年歸就梅下宿  
數日卻去神昏昏惟有今年飽仙福文君盡力娛文園  
明年不識又何似淨骨且受冰飢溫世情冷熱大概見

巢經巢詩鈔後集

美

幸賴草本分餘暇置身已在水精域明妙遠出婆羅門  
銜觴倚樹別有會此意欲說難為言蒼苔照眼翠禽靜  
一笑臥倒花邊尊

溼薪行

地鑪雪夜燒生薪求然不然愁殺人竹筒吹溼鼓臉痛  
煙氣塞眶含淚辛小兒不耐起卻去山妻屢撥瞋且住  
老夫坐對一羶然擲柶投鉗與誰怒緩蒸徐引光忽亨  
木火相樂笑有聲頭頭衝煙漲膏乳似聽秋濤三峽行  
人生何性不須忍乾薪易爇亦易盡溼薪久待終得然  
向雖不煖仍不寒

山中梅花盛開

山翁舊是梅花仙，忍飢種梅不計年。花時富氣溢山谷，  
玉作家居瓊作田。漫數苔枝暨鐵榦，但視翠禽知幾千。  
繁星突上青竹頂，白雲漲入蒼松間。或恐清光動帝座，  
定應賸馥分人寰。日日提壺與花飲，爪摩鼻嗅時復歎。  
昔年确地無寸木，短蕎瘦麥真黔山。一朝手變爛銀海，  
惟有十指知艱難。擁奇要非歲月事，作計先須胸眼寬。  
寄語後來種花者，一枝半蕊安足觀。

觀梅有感

先君昔日居堯村，籬落之間梅一盆。母惜千歲終不大，

巢經巢詩鈔後集

卷五

放出平地伸囚窶，坐令長條怒上屋。旋覩高花橫卧門，  
我時敬竊先母意。歲擁茁稚分新根，至今繞墓冰雪種。  
皆於此樹為子孫，一念為舒造化氣。尺枝致洗巒山昏，  
當時祖梅亦至性。毋歿遂枯知殉恩，我今垂老祇無用。  
永負養鞠身，徒存撫花長。歎花亦感寒，曉共泣東方。暎  
庚子先妣卒其年梅  
遂不花明年枯仆

晨登梅岵獨吟因成長句

看花終年無一句，獨向梅花吟不住。不關才退及心懶，  
非君無以發吾素。平生冷澹真自知，老去性情尤眾惡。  
君看悠悠凡草木，對之語言亦何趣。清晨獨去人鳥寂，

碧蘚光中哦且步高詠何須必已出古人不啻似我作  
羌無故實枝橫觀盡得風流月挂樹自從老陸騎鯨去  
範影模香紛可怒君聽此詩定何如為倒一杯醒眼露  
殘臘無以忘寒借測圓海鏡十日夜呵凍錄本

校訖示兒

藏書讀書事不同藏書貴多讀書通古來讀破萬卷者  
不必萬卷皆官中若徒四部誇富有何異臨安陳道翁  
我老無錢給衣食那復買書祇從借時撮關要鈔一二  
絕精又簡乃全冊不論行草及疏密但無錯漏令可識  
常謂苟能印心上有此已佳無亦得是編於數絕今古  
頌之徐生字之許我昧其術珍其書白首寒天歎良苦  
人生即不為大儒豈可案上無程朱渾天一轉吾家事  
會有老父開吾愚

篠庭表弟饋酒

歲殘坵盡正生愁忽到紅纏欲沒頭說與梅花待新正  
共君從事過青州

糠頭火

燒殘生米樹蒸到斂糠皮亦復令人暖甯徒解我飢乍  
然光不起忽暗口頻吹跼守仍誇富無春詎得茲俗言  
人不知米所出以為必珍木實也臨終  
或問所願曰惟思得生米樹作棺耳

殘歷

立春經七日殘歷牒三行處處春聲急家家餽氣香我  
貧無治辦節到祇尋常兒子猶癡相糊銜飾草堂

正月初趙仲漁

廷橫

壻來山中漫書

己下戊午

我歸非書不挂眼堅坐兩臂厚如癩終年親友斷行跡  
口閉生臭舌欲卷目中兩歲不見汝噬肯過存苦足爾  
老懷一慰轉歎息人生難此飯一盃不因負米待返哺  
誰遣汝勞况行遠相從喜事賢大夫豈但觀摩直嚴憚  
我今身與世相違誓作蠹魚死殘簡三旬兩食未為餒  
九冬無裘亦覺煖相從且復數日留梅花滿山足消遣  
甕中未盡過年米安乾薄托猶足辦

巢經巢詩鈔後集

五

與趙仲漁壻論書

吾嘗謂人號君子考其言行而已矣天資學力各不同  
揆以孔孟惟其是而是之中亦有別與評金玉正相似  
光色純豐見差等要為足重非偽比論書又何獨不然  
心不可見畫在紙佻怪側輒為僉人剛方渾重必端士  
亦有中稜外婀娜斯實柳和鄭嫵媚羊質虎皮又豈無  
藝隨身敗足挂齒古人真氣不虛發借筆於手圖便事  
若用頭濡及襟帚亦是其所作字吁嗟斯邈至歐顏  
歷歷作者皆已死相傳雖云有筆法幾人親見崔蔡指

就其形跡推運用各據所悟言之耳嘗疑韋鍾同輩人  
寫時豈有不見理明明目盡佛轉妙破冢搥胸為何祕  
蒙經已改李妙刪七種執筆文不委俗圖三手又乖舛  
方明撥捉尤若寢澄心七字出希聲撥鐙翻成一闕市

國朝六藝務反古自宋以後莫睥晚取法乎上誠盛  
業識者固已知其弊吾於六書頗特識落墨每恨無律  
紀性不能逾力難強縱有真訣亦瞪視曩年曾覩包氏  
述晉晉莫明其所以乃今趙郎道其師是從包述悟筆  
髓為作五指握管狀如鶯昂頭鴨撥水自言三載成自  
然骨鈕爪秃肘肩痺吾愛汝師翰墨迹獨溯北朝古質

巢經巢詩鈔後集

卒

體豈知精苦突尋常信是鑽槃直透底古今事事順人  
情未見二王果若此司直擎拳馮兩撮

張從申擎拳握筆馮侃兩指提

管韓五李三亦異旨

韓方明五指包管李少卿三指提管

要之書家止在

書毛穎自是任人使多聞擇善聖所教少見生怪俗之  
鄙學古未可一路求論字須識筆外意汝於此淺當勉  
旃右軍固教執筆始

寄仲漁大定屬訪濟火碑

昔年大定吉士章永康與我談古待歸之草堂我云洞  
庭南上碑第一吹角盧豐迴無匹移山倒海會有時看  
遣夸娥取神物當時章君謂我癡君不見柯家林邊濟

火碑摩厓高出雲雨上巨篆深刻無人知一秀才者乃  
好事仰觀擘窠寫其字曾從渠見如渠言是紀丞相南  
征出濟濟我聞繞牀叫不休再拜乞致無我魏章君北  
去末由得至今寤寐常反側瓠壺鬼教章武中蠢蠢喪  
定勞卧龍庾廬耆率識大義此刻定可誇裴松邇來吾  
黔山川獻奇物兵氣盪摩筆精出紅厓光燄萬丈長刻  
自高宗伐鬼方鄒君考釋若可信會鼎岫嶺同岐陽此  
蹟獨未歷吾目卽亭曾就朱守屬此君亦是嗜古人未  
得報音渠已卒汝客木窠有閒暇墨場策勲要奇藉聞  
道去城一舍耳盍往三日臥碑下

巢經巢詩鈔後集

空

浣溪吟唐鄂生

夜半參橫天頂時心隨山月下裁眉月入平羌不知遠  
從風已到浣花溪浣花溪水西頭主人雖往林塘幽  
南鄰北鄰在何處惟有草堂千古留草堂先生真絕倫  
不論抱負觀保身潛行獨脫安史流聞走已避崔徐塵  
赤霄浩蕩縱來往神農矯變誰能馴厭聞鼙鼓驚四鄰  
遣心欲就水檻濱高言大句固難望檜栽竹行猶堪親  
且為浣溪吟卻寄草堂寺何日攜錢過野橋遠望他鄉  
惟表弟嗚呼男兒無賴擬終老萬里傷心不自保憑君  
時出碧雞坊先向溪頭問遺竈喬木如存可假花短牆

若在從殘草

前八九年訪得明清平孫文恭公教秦緒言一

卷刻本於其家祠中今年夏莫邵亭從吉安周

小湖作楫觀察寓所蒐得石本前題諭陝西官

師諸生檄其文即緒言也末多自書後一篇尾

行款識模糊審識是嘉靖壬戌秋九月淮海山

人孫應鼈書乃知為公筆蹟訊小湖云得之西

安則此石或即存碑洞也邵亭作詩書其後因

次韻和之

古人已入長夜室不賴後死固無術精闕零滅俚俗在

巢經巢詩鈔後集

空

幸否早歎歐六一雖然此中有堪信虎氣所在必騰出

孫公學孔開南荒邃詣同時幾人匹但論位業足佳傳

鄰子門單史因逸後生不復重國故遺箸至因難覓

君於鄉獻誠殷勤拾盡羣翬得秩秩邵亭纂輯黔詩紀畧一百卷於文獻

甚一篇瑤草寄幽心十紙緒言申命乙作詩遠逼郭景

純近語猶似羅文質前賢傳者亦不盡但見奧要餘可

失文恭平生著述今僅得幽心瑤草一卷學孔精舍詩集十卷四書近語六卷及此緒言餘載明史藝文志

及四庫全書著錄者俱未見每從吟諷想聲貌若遇其人大而實握

衣捧手慨末由嚮往徒珍轉鈔帙宗伯橋邊有心畫久

恨苔封十六七公建橋清平城北門外後呼宗伯橋橋側石壁上手書雲晴天影闊山靜水聲

幽二句字大  
徑二尺許

何期手楷此無恙紫陽學諭黃庭律真儒

信是無不能代華峯峯總鬼峯獨歎師儒繫邦國古風

一去何由詰當時弊蠹固不淺病雖費治猶號疾而公

破迷與嚴範已令汗下如雨密破迷嚴範  
機中二條貨取兵選愈

曠奇問公儻見作何筆咄哉養才造士具大質小劑那

忍述與君誓萬金璧自度營衛莫受誅  
後中語世有

升降道不變箏琶敢奪古琴瑟蒐訪心勞鬼當相特要

康強又逢吉心莽桐墅仍缺如辦禱為君致芬秘

### 中元節食子行宅

麤糲薄飯不易哉村食雜糧三月來吾家頓頓總白米

### 巢經巢詩鈔後集

奎

更欲美饌能無災孟蘭俗節世所重買肉嘗先貧富共

窮來說食真膏肓昨飽李家今飽仲周公為民制嘉禮

首曰飯食親兄弟笑殺鄰家比屋居叔姪終年不相視

疏疏微雨過竹間籬孫泥膝催祖還男迎女送踏歌去

月似車輪上遠山

### 二若季弟哀詞二十首

惡命平生此盡頭豈徒斷手直春喉天心門運從何說

氣湧如山淚不流

衰門人物總堪憐磊落無人及汝賢縱有後生能似得

廟成鬼老待何年



活人三世不瘳貧考妣無家壽歿身到汝一窮還不得  
更將陰陽語何人

生兒不慧欲何如絕證都根鬻臂餘混沌未穿先自死  
秦皇那得不燒書

爪幕無方止賸皮雖云數定亦醫遲長沙五石千秋恨  
痛哭前朝已落眉

前七八日余數召醫弟聞至惟背泣而已

雞鳴呼我屋西頭水訣空餘息在喉目指三兒含哽付  
一生兄弟片時休

臨了分明似汝稀奉身端逝理無違荒唐鬼語非全妄  
何處汝來何處歸

前里中有請乩者弟與馬神降稱昔名醫某以訪故人而至謂弟也未語

巢經巢詩鈔後集

齒

弟曰君一憤而來又一憤而去似乎不可中表常疑非  
長命之兆余固未信也及是病劇已肢體不舉忽命具  
浴令扶起憑几端坐浴罷命呼余

至已不能語余一一語之遂逝

飢驅南北歎當年碌碌阿奴總目前今日汝還成死孝  
九原莫養替兄先

先毋晚年常謂弟曰賴渠我孝吾無之不能活也

傷心吾道老尤非長餓何由手足肥致汝苦生還苦死  
斂時猶是阿兄衣

屢期遊蜀屢儻個前月無端去又回祇說相生有天意  
豈知為要送終來

東邊差慰免奴傭三戶而今似蟹蛭一個弱來吾又老  
信知天不相吾宗

名家我愧越人兄  
祖父奇咳賴汝明  
人得十全身不起  
長吁此事不須精

廿載靈蘭抱缺  
為常嗟宋槩久銷磨  
趙家新本初丹竟  
眼已無光奈爾何  
弟從事內經僅見張隱庵及汪訥庵兩注去冬余為覓得趙雲生都轉精刻宋林億校王注元本授之弟乞丹黃并校一過余赴蜀出門時囑曰書在某箱後弟病增日甚余丹校者終未見矣

颯颯秋濤風  
雨哀繞山松樹  
盡渠栽一根不死吾弟死  
不為先墳都斬來

兩女三男昔可傷  
喜今兒女各成行  
無孃止說長相守  
誰識先從季指亡

巢經巢詩鈔後集

奎

事我如爺嫂似嬰  
酸腸汝嫂擗胸時  
最是一聲聽不得  
萬方想盡不能醫

千樹梅花好墓田  
共來廬墓十三年  
一杯黃土須常見  
不葬孃邊葬爹邊

廿年徒有異居名  
雖是吾家待子行  
從此哥哥行不得  
米鹽凌雜要親撐

季虎朝來絕怒音  
遺孤滿目我何心  
登牀共此俱忘慟  
吹角廬碑子敬琴

漢建安七年江州夷邑長豐碑余訪知在綦江吹角壩道光己酉遣弟

挾力往取之弟以臘盡不能致因埋之為後圖至今同事者皆死莫知其處矣弟教子特嚴每怒責聲聞林澗里中目之  
虎云

四十三齡亦考終因知死樂勝生窮思量不作多時別  
我已今成六九翁

巢經巢詩鈔卷第三

巢經巢詩鈔後集

矣



海內今猶大穴餘

四十三齡亦考終因知死樂勝生窮思量不作多時別

巢經巢詩鈔後集

第四

遵義 鄭 珍 子尹

古今詩共五十九首

十月十七行經故里

桑梓重經十載餘，筍籃一望一踟躇。  
欄西長畝歸新主，林外先人有敝廬。  
去里年多相識少，亢宗才拙至親疏。  
傷心無復為兒日，玉磬空懷墮地初。

余生玉磬山下草枕

放船百二十里至青龍灘復山行十五里宿斤

竹岡

霜曉起枕茅苔村，輕舟快如駿馬奔。  
卧看紅樹盡鰓部

巢經巢詩鈔後集

宅

歌上蒼崖已棘門

龍灘即永寧地

垂老遠遊聊寫意向來豪氣

總無痕荒岡苦憶芝槃老，饒爾紅鑪正弄孫

十五里下二郎灘岸遂宿

絕壁臨無地危途降自天，一灘黔蜀共孤市。  
古今懸水

落沙明浦鹽稀客待船，一樽頻挂頰難到此山川

宿猿猴灘岸

此灘與青龍灘舟不能上下青龍越山三十里至二郎灘易舟此則

灘下易也

黏巖成市聚捨榜宿烟霄，榻底灘聲兇鐘邊夢影搖風。  
多愁落石湍險計來朝萬感醒難寐鄰家更喚貓

牯牛船歌

猿猴灘西凶灘多船非牯牛不敢過人言鹽兩四兩力  
牛腹受鹽十五石力厚固足與灘敵人言硬莫與石鬪  
一縱往往不猶後上灘不覆下灘覆俯汝頭昂汝尾歌  
我歌坐汝背長年養汝一柁水牛兮送我下赤虺

柁工下灘

能養一柁水者萬不失一  
養水有餘不足皆危舟

食遙壩場

宋元豐志之  
遙壩砦也

路出沒丁西前山遙望低農勤阡陌淨村富樹林齊古  
市宋時若小餐亭午雞恩恩為何事回首意都迷

仲冬朔至南溪先寄唐鄂生

炯二首

天與游人十日晴看山直到六同城涪翁有魄應相笑

巢經巢詩鈔後集

突

底事來遲具紫虀

此地由來號奮戎青衣江口角聲雄明朝擬就千夫膳

一向前山試挂弓

挂弓山在  
李莊北岸

書鄂生詩稿後

讀君近詩驚我神此事何止作替人麒麟緩步不動色  
百獸帖耳為之馴不見三年日能幾有功翰墨乃如此  
信知碧海掣鯨才不在聰明三十里先公峻節高嶙峋  
復爾筆力挽百鈞文章氣節一家事嶽嶽聳我西南坤  
我今殖落百無用羸牛飴草鞭不動因君一憶竹垞翁

晚歲斯文歸夏重

朱查重  
表兄弟

初四日步至洗馬池緣登高山下七星山坐臨  
江石梁上觀南溪水師攻南岸真武山賊作歌  
玻璃江碧金沙黃合江樓吸金碧光江山如此可吟醉  
誤使庸奴生戰場七星下臨鎮欖槍朱鳥用事龜蛇藏  
上我斗柄騎開陽攢眉浩劫望八荒吾欲手挈斗柄運  
斗綱下挹江水作酒漿灑為甘露清而涼化爾鷹鴟成  
鳳凰使我萬家赤子安耕桑嗚呼焉得福星包世度東  
蒼龍西白虎

初八日再上七星山觀南溪水陸師攻弔黃樓  
真武山諸賊

巢經巢詩鈔後集

完

巨雷破地火沸天神焦鬼爛天化煙戎州古城暗如夜  
赫燄赤入堂琅川弔黃樓前殺聲洶戰士飛騰亂如蝶  
時見鬪體擲上天下落江水玻璃動五尺道人游興豪  
不逢蘇杜逢兵刀眼前即是五尺道安邊遠略思韋皋  
一闕胡然至於此數十小兒弄兵耳老孱不作突薪謀  
空使英雄嗟折筮流杯池味諫軒古人留迹於其間可  
惜當年觴詠地祇今血染苔花斑吾亦何為長太息早  
識所憂非我力寄語孫郎帳下兒無上平天非此賊

唐南溪單騎撫賊歌

南溪大令唐鄂生短小謙下如晏嬰到官未歲民士悅

遠近俱以青天名漢西奔命官迫變入蜀索仇破三縣  
徑趨南廣度金沙恣睢平江南北岸提軍按司遠如蠅

巡道總戎近若鶴

提督軍城東六十里牛喜壩按察軍城東七十里高家場道鎮軍城東門

外三江口坐視郡圍四十日講和不許況云戰

文武與賊議和賊索銀四

十萬守令首級後已

大令呼民授以兵提戈直指叙州行紅旗一

點卓賊近賊中望見唐字驚一戰火逼翠屏下再戰尸

膊舊州壩

賊在南岸者據府後翠屏真武諸山在北岸者據弔黃樓舊州壩

三戰陣前

皆棄兵稽首青天求我賞諭之明日弔黃樓吾戴頭來

看誠詐綠林子弟千百曹帕首如輪腰插刀大呼青天

果單至羅拜聲湧寒江濟大令指渠不汝縛籍爾有眾

巢經巢詩鈔後集

卅

聽吾約留者從軍否護歸吾為上請當許若眾繞胡床

誓天日所有他心萬刀斫精兒攝飲淡巴菰老者恭承

銀鑿落一笑從容上馬歸扶鞭紛送催科脚山

名我時坐

臨七星頭喜此凶頑譚笑收蜀都之東億萬戶庶免獠

噬兼狼蹂咄咄大謀真怪事文臣顧身武臣忌回山倒

海一令為有覩吾徒面何地上請書成不畫諾賊中聞

之皆隕涕明朝大吏期合攻蔗林影動星散同城內城

外一夢醒曉視賊壘成沙蟲歡聲騰上登高峰哭聲已

起捷為東解圍走賊信得計籍籍攘臂方論功此時賊

去二百里寄聲謝我青天翁蜀中此失患不小使我扼

腕氣塞胸吾觀自古辦賊者要以剿始以撫終力足殺  
人亦有限何況起剪非其風單騎定亂世有幾此事誠  
駭乎庸庸公等因人故成事與而不取夫何哀方今海  
宇半魚爛西南所幸蜀未癩巴東况聞進大盜已有瑕  
豐須彌縫外攘中安目前急更堪蝨賊為內訌縱豺助  
虎且勿計鑄錯先慮銅山空井絡安危有前轍天心民  
禍將安窮嗚呼天心民禍將安窮

聞賊入遵義南鄉縣令江府丞玠侯炳琳死難

早知湄甕賊必有寇遵時南里今如此東鄉事可知圖  
書應燬盡家室定流離便恐成鰥獨吾衰數益奇

巢經巢詩鈔後集

主

留別鄂生八首

與子忽言別悽然惻中腸欲行且少留愛此一日光人  
事何悠悠天運何茫茫將奈何百年可憐傷

可傷千萬端憂患何有極前途已就窄而尚滿荆棘憶  
昔盛年時豈無垂天翼白首竟何成拊心長默默

默默坐空山日念二三友自非同心人孰不見老醜南  
溪十日程路近龍泓口而子為之宰慰我思蜀久

思蜀亦何為我懷同右軍山川固游目正為揚馬墳祖  
師遺芬芳浣花與凌雲逝將飲其氣因之行就君

就君洗馬池戰鼓方未休兵氛滿川澤誰歟與同仇豈



知山水心卻增君國憂子能且束手矧乃閒遨遊

閒遊返南溪安坐坐良自幸垂涎及小獠摩筍飽湯餅

谷與南溪宰書

豈不憶梅岵來途畏嚴冷焉知歲垂盡寇攘在

鄉井

### 除日至家八首

入山空屋在開戶亂鴉飛絕叫從何說翻疑不是歸平生天地鑒惡命子孫微今日還如此心枯淚不揮告至抽先積方知主亦行當親存是藉並此去何生故俗崇年飯危時尚爆聲有靈應逐子何處薦杯羹

眾人同避寇寇退各團圍獨我全家去今知寄所難存

### 巢經巢詩鈔後集

主

亡甯遽置日月不相寬歲盡教誰探明朝復履端

痛繞先人兆新添季子墳亂離猶汝幸生死復誰分渴

奠魂應識叢辰我未聞聊為歸復計他日改埋君

壻口多於姪逃歸共眼前舊貧還破碎何術得完全慘

淡新傷里蕭條欲盡年弟嫠仍辦飯哽對不能饘

妹家三里隔黑夜省兄來慰我生成福先期巧脫災

### 亂世無年節宵深未擬回

誰子忽驚告賊臨溪上頭圍丁呼什伍號火接林邱歲盡原宜備民訛亦可憂獨憐心一寸悲恐幾時休

訛傳驚數

心孤愁轉退，燈死撥猶然。逐水年何盡，行空月自圓。百  
離那免命，一介總關天。便作游僧看，寒山且寄眠。

二月十七度婁山關

時涓潭復失賊逼  
窺吾里西走避之

山勢西來萬馬奔，大樓一勒九旗屯。天隨路入

蘿峽

人共雲爭虎豹羣，舊日劉兵此飛過。六年黔國任傾翻，

黃心無復將軍樹。空逐流移泣石根。

關有黃心樹一林  
千年物也道光癸

卯五  
月什

遇家人自西蜀歸，遂僦楊家河岸劉氏宅居。趙

曉峯作魁巖歌見慰賦答

魁巖下瞰君家屋，數世居之飽清淑。一朝靈氣生作君

巢經巢詩鈔後集

三

學品俱是巖面目，君與巖習自不知。但觀所作魁巖詩，  
此意靈山有真識。說似外人翻笑嗤，老我百憂復千慮。  
負書來吸巖下露，身似學徒心似僧。祇覺無還亦無住，  
感君相慰歌筆雄。名山縱許已成翁，他年誰作輿地志。  
蘇句慚愧斯人附寓公

攜兒游上下天門，過生日地在桐梓郭東十五

里。山勢湊此峭迫，上下距里許。開為兩門，皆懸

壁穹窿，深十餘丈。其寬倍之，溱溪東源所經。未

漲時，人可過。兩門內有田，有村游其中。俯仰周

覽，皆崖石蒼白，相間而垠。塢上又皆長蘿古松。

碧入雲表恍然已出塵世也

不知為先有水後有山山來避水過其間抑不知先有  
山後有水水來破山出其裏春風鏗杖游天門兩門中  
若桃花源小兒怪問山水意異境恍惚難為言嘗疑混  
沌時必有物混成十二萬年中布置開天明繼又幾何  
年闢地令就千萬形然後下視歷歷者河嶽上視昭昭  
為日星人目之所不及見知有幾許神妙何從名如此  
小山川其初骨脈殊不清爬高抉塞舉手事奇態詭狀  
因以呈今觀太華峯掌蹠遺巨靈尋常雷劈山瞬息已  
變更何況天地母可以智力思議求其能看山自有真  
心會不在遠強欲索根原縱得亦已淺我觀我生猶未  
知且可山水相娛嬉何緣無事自取開笑看巖閒紅杏  
枝

巢經巢詩鈔後集

志

竹王墓

九隆之生感沈木竹王乃產三節竹此人當是開國君  
神自子孫謠自俗夜郎地大秦漢前東接交趾西鄰蜀  
初時天啟一州主必有奇雄傳似續世久莫復識根原  
遂緣竹姓謂天育人非血氣焉從生盤瓠雖奇種猶畜  
習習荒荒知幾葉西南君長皆臣僕頭蘭鈎町同漢侯  
何言滅自楚莊族番令繒帛入笮關博望亦來問身毒

其時候者為多同令即其子咸內屬椎結箕踞問漢文  
僅強羈糜敢云戮迨滅南越先入朝寵以王封冠蠻漢  
後人若肯世恭順與漢同休那待卜豈知興務繼貪亂  
不及中興想傾覆王水源枯林籜寒竹祠鬼餒夜靈哭  
遜興唐斬豈世情天既置之喪何促霸封三子死配食  
此語尤誤不可讀元封以後歷世王奚待通侯繼其祿  
常志傳謠范沿謬故是遷固為實錄謂唐蒙斬竹王太  
守吳霸以夷獠怨  
訴奏封其三子為侯始於華陽國志范史沿之  
增出莊躡滅夜郎一節稽之史記漢書絕不合昔年嘗  
考國所在卻賴常志得遺躡夜郎郡縣始王遜必治其  
都不外築郡原故國縣有豚道將紀出耳而目牂江豚

巢經巢詩鈔後集

壹

水實異號可載精兵下通鬱叶或謂是即今北盤此津  
現且不能舳又或指沅指延水要皆其委入岷瀆定知  
即是古州江乃與地道無背觸然則都勻安貴閒當有  
竹城邈難矚朙月千年舊社亡莽莽荒煙付耕劬何由  
更識竹王墓縱目人同太虛屋誰與好事就桐梓認冢  
鼎山之西麓此邑唐初夜郎縣名雖從古地已感壩城  
殿井競附會桐邑北有夜郎壩竹王城新站側有皇殿  
云是竹王故宮舊桐柱在土中尚未朽旁  
有井黯然莫知智否  
云即三節竹浮出處此榔製精刻殊

近元朙土舍知誰孰向來猶自號七王實事乃倡定興

庶

康熙中邑令賈國疆撰縣志止云額曰七王墓相傳  
竹王父子之墓道光間守庶丕宗加培築始碣為漢

竹王墓 李代豈無冥漠羞藉免樵蘇亦其福砭今駁古告  
後賢不妨舊貫存疑獄

訪明桐梓令洪公 維翰 典史黃公 啟鳴 殉難藁

葬處

印在頸下銀在喉凜凜毅魄據虎頭當時聞有來桐記

今日難尋土一坏白鶴寺前臨大路父老相傳雙藁處

披荆撥棘但荒苔日落鴉嘯阜角樹 二公死天啟二年

明史忠義張振德傳考邱仲胆桐梓志稱洪公以萬曆

四十七年任則史云遵義知縣並以黃為遵義典史誤

也今葬處相傳祇以大阜角樹為識

或云二公後並歸葬或云惟黃公歸

避亂紀事九十韵

巢經巢詩鈔後集

美

帝九年仲冬賊入我南疆能宰江固勇戰死邑失梁罌

遂據圍溪炮休分而東涓潭賊亦合廿一焚鰕場家距

二十里驚看半天紅蒼黃夜出走潛行不敢聲兜懷其

祖栗背上將孫縵新婦持厥姑手各有攜孳四更去七

里投息烘於堂主人抱薯積擲鑪請燔嘗小大亂稽首

辭祖倒插香開門已先去門外如堵牆於時空鄉潰晨

兩方大零弟妹亦來並滑澆無笠笠或泣或叫號慘極

不可聽向來騎馬兒亦復負衣囊處女變嫁婦鈍牛棄

道旁窮叟禩玉黍凍涕垂尺長嫗顛水濡袴袴重脫復

僵紛騰爭奔路路壅或不通家人雜之行留宿八木塘

丁氏女所家乃進至螺江出亡已五日里居不聞殃遣  
視及半途火煙蔽天光謂何有午山此亦膚剝床所依  
互相保遂至真安城我時在南溪新還自從戎初心觀  
汝嶺至是蜀亂張小住擬即歸歲酒梅花窗俄聞南里  
破驚呼東必崩我巢想已傾且歸視存亡心飛足益緩  
旅腸若煎烹妻孥馬從知真安寇又萌就我獨前去亦  
己六日行信至賊大敗虐亦未及閑追之自不及偕者  
皆還鄉老弱昧昧去道險犯雪冰時危脛脰硬竟透萬  
羊腸豈知及棊市我已丁山陽藥溪訪陳生甫知里寇  
凶又知家已逃意必奔兄姪及宿長幹山百思息不遑  
二更見吾姊云傳在城中明日促入城言者都莫明茫  
茫至丙舍不記歷已終室有趙女家初還資我糧見我  
哭不止歷述離合蹤弟妹亦漸集首尾乃備詳當時相  
逐走復有女氏丁奔渠父豫州至棊當北艘家人或中  
留或徑我之從飄蓬焉能定問蔡止告臧兩道發訪使  
沿洞迹其迹寄言隨所在料理復我邦賊又日以熾涓  
潭重失防前日靖播亂實我東團功事成官不聞士吏  
爭奏庸城中設大局捉人勸輸將養練名五千千少還  
孱吐將貪又持餉縱掠增虎狼涓民絕控告賊至甘倪  
降以此賊益眾仇窺我東方樂安七十團論眾足以亢

於外攻且守內又科丁饑民力有定數賊擾無春冬一朝與之隙得免再至傷悔不語兜息但在歸無忙正末去人至書自南溪封唐君我重表視我如其兄言自臘盡來館嫂於西房此國亦瀕亂可歸歸誠良仲春風日暄當為具還裝行期不及阻戒心亦日生計惟出來路卜僑與之迎十日佳未安不愜因來桐故人有趙子問舍喜得朋偕行魁巖下賃此潔且閎足以度四部別軒尤明光開窗納村岫前對竹王藏溱溪繞平疇緣以十里楊日日望家人伺路數遣僮昨果大小至女亦仍雙雙抱我玉雪孫數月尚識翁我別始學步今語如新簧中腸結忽解憂患俱若忘寢食為粗置卷軸排縱橫靜思百年內苦樂豈有常但得一日安時還事丹黃以後誰料得天眼終無盲不述何聞哉雜書遂成章

讀書牛欄側三首

讀書牛欄側炊飯牛欄傍二者皆潔事所處焉能常讀  
求悅我心食求充我腸何與糞壤間豈有臧不臧  
幽幽小窗光耿耿微炭火蕭蕭白髭叟把卷終日坐兩  
中十餘日亦覺腰膝跛來時杏初花起視花已墮  
閨歲耕事遲一牛常卧旁齧草看人讀其味如我長置  
書笑與語相伴莫相妨爾究知我誰我心終不忘

晚望眾香山

雌霓挂初霽陽烏斂忽暝眾鳥紛歸來上有樵採徑何處眾香山雲中但清磬

步出官度河欲訪楊英烈侯玠墓不果偕曉峯

溯東岸至觀音寺小酌採文石而歸次韻

春溪生雨餘晴野明秀色坐窗久不逮及此興頗亟故人勇前期已待官橋側尋遠先畏回寄暢聊近涉漠漠蠶豆花溝塍度層刻清幽值招提可飲歌吾力事遜兒童能心知衰老逼鍊餘散沙洵俯拾果有得悠然送飛鷺柳際一行直長謠尋春詩步欵氣嶄劣此老去千載撫事如在即孰非孱懦嬰放意甘避匿樓闕隔鄉信日夕念平賊林鷗忽喚歸一愴淚霑臆

巢經巢詩鈔後集

七

嬰木詩

人為萬物靈病即支體廢物生或不然其疢美斯在翠者玉之瑕黃者牛之瘵水沈香者朽水精纈者碎惟木本條直句料已堪怪異哉乃病癭擁腫不可瘥爾雅釋苻婁小弁悲彼癭始生疣瘕微浸長甕盎大幹挺孕凸腹皮皴裹裂袋升猱跋胡觸溜雨懸癰潰亦有長乳垂或若巨瓢挂猴噉而鳥噤殊詭非一概柳肘豈足惡楓人乃其輩此樹必年深世用謝培害所受天地正溢出



柯葉外煙雲，  
洄滿液萬象盤。  
其內歲月忘空山，  
文章自神會。  
五采徹交映，  
百狀異層解。  
播漆實多有，  
桐梓更為最。  
鷹茶堅絕常，  
鴨腳綴無對。  
大無若樟楠，  
美莫踰香桂。  
巧斷杜預頸，  
偷脫怒持械。  
鋸細塵散屑，  
鉋薄紙飄柿。  
滑光不受水，  
微漆始發采。  
片無天王複，  
文過色綾倍。  
藻火照几案，  
星霞繞盤敦。  
瑞應龍魚圖，  
天成董巨畫。  
杯籐頓含羞，  
感栢亦減態。  
黠匠獨居奇，  
桐梓精製，  
者止一家。寸餘無棄。  
裁昔年聞達，  
官此木索守宰。  
似求合浦珠，  
當貢揚州貝。  
供彼頃刻玩，  
其成數百載。  
曩生盡搜括，  
今有自僻昧。  
微物預貪汙，  
觸事一增喟。  
我生寡僻嗜，  
人愛亦復愛。  
無極存，  
瓦當硯材出秦代，  
相隨三十年。  
懶與積塵盞，  
趙生故人子。  
昨日貽樹贅，  
謂宜古物匣。  
規鑿成底，  
蓋餘為小屏。  
風不患倒壓，  
背苦生感奇。  
鬱發詠屢摩，  
扪安得太平字。  
一慰長楚慨。

巢經巢詩鈔後集

全

閏月晦攜兒偕曉峯釣楊家河次韻

暉映布淺罽，  
逐鴨喧修竿。  
溪漲夜來雨，  
晴光動黃瀾。  
沿流坐即釣，  
旋起步亦安。  
一掣想鯨鱣，  
三淵悟鮓桓。  
楊柳萬條風，  
忘魚久貪看。  
姿年逝將老，  
復此廬墓拚。  
干戈何時靜，  
花鳥忽已殘。  
誰謂艱虞中，  
尚有綸餌歡。  
薄醪亦易醉，  
脫粟聊同餐。  
已忘雉罹羅，  
更思鴻漸干。

次韻賀曉峯四月初九添次孫

移山志老喜多孫第二卿雛又降申世襲年書泮歎字

曉峯及其尊人長男至此子四世以申年生亦奇事也天安命作太平人定知翁

嫗爭裁襁所願查梨總荷薪置膝著車他日事明朝先

探一珠新

次韻諾曉峯十二日洗兒之飲

山倚魁巖水傍濤正愁厄閨避庚申喜逢我友添孫子

卻歎吾曹是老人萬卷相隨春已夏百年猶冀火傳薪

他時令記且亭長湯餅曾從此及新

即席次韻酬曉峯

巢經巢詩鈔後集

全一

伯子生兒叔速賓固應酒肉自元申老來喜食團油飯

醉後慙非負子人君果吟詩如潑水我方避火早移薪

長年是事無餘味一度同酣興一新

自城乘月歸魁巖四次前韻

輕風細柳餘光景晚詠歸途篤好申羅庶游先生魁巖暮歸絕句溪上輕

風散縵紋溪邊細柳藉餘曛一路亂蛙初插稻半溪明月不逢人婆

娑自惜空心樹輾轉新憐故脚薪入舍仍呼澆萬慮免

教韓子醒還新

將歸酬曉峯弟六首

初來止一身繼聚乃八口讀書魁巖下條已四月久貧

士力幾何物物資市取持此將安歸浪出默自咎  
昨日弟書來憂懷忽迸潰王師及湄潭我里淨無穢天  
道有盈虛人厄亦當退歸哉復歸哉荒園即種菜  
自性非傲物懶拙難世羣城中近千家往還惟有君及  
茲起去念已悵行當分奈何出別語先遣不忍聞  
言旋亦不易家具無半車隨身一萬卷彼亦思還家歎  
息復自笑捨爾何生耶辛苦相同去但無離亂嗟  
依依虎崖石黯黯龍潭雲杜陵泣新交何況我與君人  
生非麋鹿豈得常相羣但保歲寒姿何異同朝曛

濁水鮪鱧肥穢場蠅蚋歸鸞鳩搶榆枋安知黃鵠飛與  
子幾瀕死不死中有微忍待天理定勿云吾道非

西家兒

西家小兒年十六抱書過門訴我哭不憂所學終無成  
但恐學成空一生州家久罷童子試鄉貢長停鳴鹿聲  
處處賣官賤如土阿爺祇識求科名同學去年猶乞相  
今日巍巍八擱上榮身何必在讀書學作貴人吾豈讓  
雖云人多缺少取償難但折十牛終是官雖云丈夫致  
身貴選舉十科舉人已空苦有子留金焉用為勸說宜  
從丈人所嗟汝小兒休歎呻孔孟固應避錢神便嗾汝  
爺排上兌祇今三卯正需人

東家媪

東家老媪六十五日指其夫詈還數當年自比朱買臣  
今日窮無一棺土赫赫軍功鄰舍郎生時曾為煮蘭湯  
役門轉眼士門貴但看人尊新嫁娘郎云功成賊未見  
勝似牽被覆頭不出面即云主案舞上臺勝似未嘗見  
有顯者來豈少金夫惜衰老苦隨雞狗終身哀嗟汝老  
媪莫長怨那運恥以取高官此翁正頗重聽亦何傷不  
見太公齟齬師文王

僧尼哀

僧尼皇皇不得休暮叩團總朝團頭借問爾曹何為者

巢經巢詩鈔後集

全

答言昨日新令下詔書令核常住田一僧三斛養一年  
餘穀盡輸作官用官為護法調其閒但過十石十抽五  
常平縣倉待填補令條誰抗况僧徒格外寬仁倚田主  
不求報冊中產未及十石但求畧減半賦謝非所惜噫  
吁噫朝廷未聞有此旨縱有亦行樂安里爾曹平時飽  
欲死固應香飯供國楫但惜官之所獲能幾何貓翻甑  
盎狗飫多

抽釐哀

東門牛截角西門來便著南門生吃人北門大張橐官  
格高懸字如掌物物抽釐助軍餉不論儻欸十取一大

賈盛商斷來往一叟擔菜姑一叟負樵蘇一嫗提雞子  
一兒攜鯉魚東行西行總抽取未及賣時已空手主者  
烹魚還淪雞坐看老弱街心唬噫吁噫買東布者不能  
得一匹贏售斗鹽者亦不得贏一升釐金大氏恃商販  
欲入閉門馬可行村民租銖利有幾何況十錢主簿先  
奉已縱得上供已微矣乃忍餉爾餓豺以赤子害等邱  
山利如米嗚呼貫率括率有時可暫為盍使桑兒一再  
心計之

南鄉哀

提軍駐省科軍糧縣令鼓行下南鄉兩營虎賁二千士

巢經巢詩鈔後集

七

迫脅富民莫搖指計口留穀餘助官計貨納金三日完  
汝敢我違發爾屋汝敢我叛滅爾族旬日坐致銀五萬  
秤計釵鑊斗量釧嗚呼南鄉之民哭訴天提軍但聞得  
七千

經死哀

虎卒未去虎隸來催納捐欠聲如雷雷聲不住哭聲起  
走報其翁已經死長官切齒目怒瞑吾不要命祇要銀  
若圖作鬼即寬減恐此一縣無生人促呼捉子來且與  
杖一百陷父不義罪何極欲解父懸速足陌嗚呼北城  
賣屋蟲出戶西城又報縊三五

文紳繫牢髮一尺武紳坐獄面深墨此虜守財勝鐵牛  
明日請看死豬愁問爾得何罪止爾無錢亦無罪問爾  
何深讎止爾送錢亦無讎雞飛狗上屋田宅賣不足搜  
盡小兒衣無人買誥軸嗚呼白金入手鐵籠開未至一  
日出者埋

爪雪山樊圖

禹門山順治初昭覺丈雪大師避

樂安江即唐元和志之帶水又名夸牢水經山  
西麓回為深潭類巖臨之影以古柏蒼蒼然環  
東而南去諸佛盧當巖之絕陁後山坡陀不甚  
高得江水皆險峭不易近自己未來鄉人苦於  
渭賊遂相率回山砌壘聚居其中者幾三千戶  
吾中妹鸞湘佩縣君舊家桃花谿上避賊依母

巢經巢詩鈔後集

金

家亦作此山中入其屋三開當大回之頂余攜  
家自郡城還東將由此赴成都就浣花之約妹  
以我無居留此小住兀坐脩然念飛鴻指爪一  
印丈師殘雪隨筆塗染庶它時談山故者愛而  
見我云同治二年  
三月九日柴翁記

吁嗟生不辰將老逢百罹湯謂書上辭乃今親此事三  
年厭避亂具禍日加厲何地置老夫西指草堂寺春風  
吹孤雲忽墮蒼巖際

平生楊妹子自小親愛殊古來中表間兄妹如此無各  
已畢婚嫁白頭弄孫雛相看豈無命時運堪嗟吁回思  
十載前豈料爾此廬匪惟爾此廬吾豈就爾居人事難  
逆計苦業須消除枯魚且相沫後此知何如

此日是何日此山是何山新林靜潭影好鳥鳴關關三  
杯出斯圖撫之慘我顏編茅二千家強半皆飢瘵惜余  
非耆域曷以扶汝孱慈悲海上人遺影留此閒當年苦  
薛果不忍聽草管叱起三生石漫言無住還

巢經巢詩鈔後集第四

巢經巢詩鈔後集

矣

